山庫全幸

史部

欽定四庫全書歷代名臣奏議卷九十

詳校官檢討臣朱依昊

編 修臣表 議覆勘

總校官編修臣王燕緒 校對官修撰臣吳錫於 膳録監生臣孫慰祖

大臣日車至時 臣不敢逐引先舜三代之事昔周世宗當中國殘弊之 經國 粮天下之勢以撥亂為務成敗安危擊於施設 知楊州吕順浩上 内两犯京師天 歷代名臣奏敬 奏白臣竊以金人東百戰 祐陛下不墮敵中躬有神 楊士奇等 撰

後 伏 則 財 號令以結其心賞功罰罪以盡其力恭儉節用以豐 先進賢退不肯以清其時用能去不能以審其材恩信 所以失之由知所以平之術在乎反唐晉之失而已必 願 有必取之勢無不成之功陛下睿算遠圖布的聖武 徭役以時以阜其民英其倉廪實財用足人安將 王朴獻策曰唐失道而失吳蜀晉失道而失幽并 無令撓朝廷之權按選人材使之任將帥之責大開 任賢使能信賞必罰理財節用 **積栗訓兵裁抑** 其 觀 恩 和

金

ゲ

ロガノツ

卷九

不勝哉 諫 事官以上各具所聞實封聞奏仍限五日者伏惟陛 書省劉子臣僚上言邊事乞大詢衆庶奉聖古行在 **颐浩特進觀文殿學士上奏曰准尚書吏部牒備坐** 路而擇其善總覽羣策而從所長則何為不成何戰 尚 職

後敵人以百戰之師投隊西南所向無前適丁斯時

歷代名臣奏議

即位以來仁民爱物之心孚于四海憂勤恭儉之德

格

上天是宜邊境安寧萬那家福然而乘兵政敗壞之

COUDIN LIFE

金兵四年全書 勞措畫傳曰天下多事聖哲馳鶩而不足茲誠多事之 儒學進身然嘗任西北治邊差遣敵人情偽與夫戰 陣 際而聖哲馳鶩不足之時仰蒙大詢備禦之策臣本以 衰邁不能從軍旅顧有愚見不敢緘嘿軟陳今日備禦 之器粗聞一二犬馬之齒今已六十筋力不能勝甲胄 十策條具如後 曰次民心臣聞治天下之道莫先於得民心音漢 髙祖八關中約法三章除去泰之暴政民大悅服

とうこりら かれつ 暴而復社稷陛下清心省事約已便民慨然願 數千里被其茶毒可勝嘆哉今敵騎漸迫京東 復引兵渡河駐兵于開德大名府濮州境內環地 之時北破河朔河東諸郡西陷京西陝右諸州 可謂勤矣然金人因破滅契丹之勢乘中原 嬰孤城外迫殭寇所恃者人心未去故卒能誅 雖 郡 有項氏之殭而終為所擒唐德宗被圍奉天內 若民心畏禍一 有動搖竊恐京東州縣及淮 歷代名臣奏義 砂 南 近 備 治 彊 州

銀穴四库全書 奉 除 宿毫等州縣望風而下則不可支吾矣伏望陛 盗殺害凡此號今斷 而南來者今州縣優加存恤及防護家小勿令賊 發至誠之心下哀痛之 該速法商周之罪已近考 京東州縣累經大敵殘破之後民失耕業不曾 肵 放積年欠負凡破陷州軍及鄉村人户避勍 有逐州軍軍粮却令轉運司條具措置以聞 天之詔書曲赦河北京東两路 卷九 在必行播告遠近使之周 蠲免夏秋二稅 敵 種 況 知

. . . .) 令死守如或不然緩急之際縱官吏與民避敵或 淮南諸路城壁堅壯守禦足備糧儲不乏去處責 屬牛畜資産入州城居止金人既破一城緣此 得倍廣伏望聖慈詔三省客院詳議利害如京東 케 城惟金人標勇堅悍輕生不畏死長於攻城諸路 植 人山林或入陂澤庶免全郡生靈皆為魚肉為 此 郡緣大敵縱横之後鄉村有力人户盡挈其家 雖不放免無可輸納矣當考自古遠裔不善攻 歷代名臣奏说 **Z**Q 所

銀定四庫全書 二日定廟算臣契勘金人駐兵於澶魏之郊祈請之 卒獲大捷臣所 洛陽不可守沮韋陟之虚誕縱民避賊退保河 爱臣辱之時而大將主兵官多言疆弱不敵不 去而未有決戰之期致聖慮焦勞大詢羣策題 使屢行而彼未有講和之報范瓊韓世忠統兵北 交戰百官之心皆願靈與渡江夫渡江一 路之民開此生路昔李光弼與史思明相 願收民心者此也 巻九十 一事不 拒 得 主 陽 知 敢

殘忍貪暴逆天珍物安知我之弱不為彊彼之殭 以敗之況主上躬有天命祖宗德澤在人而金人 将堅舉百萬之衆欲投馬籍渡江伐晉謝安遣兵 帝以中原之盛引兵南征周瑜決策以舟師姓之 類伏望聖慈明的大臣議定廟算陰為過江之備 不遂弱耶告韓信論項氏以謂其疆易弱與此 而大為拒戰之資申敕主將修武備講陣法 已必為之但迎敵拒戰之計豈可少緩哉告魏武 歷代名臣奏義 Б. — 彊

|飲灾四庫全書 三日料彼已臣聞用兵之道在知彼已知彼而不 戰百敗非止百戰百敗往往望風奔潰不服交鋒 成 已必敗知己而不知彼亦敗自金人犯邊以來百 願定廟算者此也 昔范胜 則 弩料彼已明斤堠以埃夾淮一戰此不易之策 也 败 知光武之業成夫廷論決策不可二三遊跌臣 則知高祖之廟勝耿弇決策河北定計南 論高祖光武之界以謂 巻んし 准陰論項王審 陽 知

大河至汴宋皆平原廣野騎兵馳突四通八達步 險之地騎兵非所利故也金人起燕薊歷趙魏絕 臣項在鄜延環慶路見我師與夏人接戰每选勝 者以將帥不知彼已亦未當講究彼己之長短也 能立惟阻險用奇可以掩擊為將不可不知也金 选負未有敗匈如今日之甚者蓋鄜延環慶皆山 之所恃惟步人以步人抗騎兵則平原廣野決不 人不能抗此所以多敗也夫彼之所長在騎兵我

父臣の国心言

歷代名臣奏議

金火 Z Z 哉臣宣和四年任河北轉運使五月下旬随种 界口以一月之粮與六月之師破之必矣豈虚言 號日入殿 而攻之庶可勝也翰林學士孫沫制策論契丹 月 道與契丹相持於白溝是年大暑敢人以酷熱不 間馬乃出凝之際敵人畏大暑之時出其不意 用兵在秋冬之後每年四月 白量 激人調 擇美水草之地數注山西州軍及熊 入殿之後馬不餵料止食青草七 薊 千項 誻 放馬八泊逐水 炭 禁人耕 鑿 契 有 留 函 師 其 ハ 時

えこうこ シェ 意存馬歷考自古論兵能知彼知己未有出晁錯 丘阜草木所在步兵之地也車騎二不當一土山 之右者願部諸將用我所長擊彼所短講求其說 丘歧平原廣野車騎之地也步兵十不當一有 曰 我 可知矣自用兵以來每於春冬交戰正彼之所 可忍不顧性命雖入白溝河以水浸其驅其畏 匈 所 奴之長枝三中國之長枝五山林積石涇 不利此又所以多敗也臣當觀晁錯議兵事 经代名臣奏義 川 深 利

釗 **灾四雄全書** 四日選將材臣聞之孫武曰兵者國之大事將者材 道藝文章勉強積習而可至惟有知人之明不可 識 其人則禍敗不可勝計然人材難知功業寓於智 勉殭譬如蕭何之知韓信此豈有法可以授人者 人之司命審如是將帥之材要當遊選委任若 之至難傳曰有必勝之將無必勝之兵又曰將 以保萬全臣所貴知彼知己者此也 就其智識觀之則人材或可得矣蘇轍有言曰 巻九十 者 非

慮深夫以中人易流之性享厚禄膏梁之奉安存 范避有言曰事苦則於全之情薄生厚故安存之 御史以上職事官各舉一人委官問其謀處試其 制官三衙臣係各舉材堪將佐之人各二人監察 材武如或可用從而擢試庶幾將材自此塗出昔 察其所安莊周之論九證豈虚語哉今殭敵在境 天下多事将材為急臣願陛下詔行在從官及統 轍之言雖可信然孔子所謂視其所以觀其所由

とこのる かれ

歷代名臣奏議

金分四年全書 五日明斤堠臣契勘金人用兵無斤堠軍無行伍止 超守關南亦未當安進官資以其飢則著人飽 帝駕取將帥當令有歉然不滿之意如曹彬下江 材者此也 趙哲平建寇此類既衆將材出矣臣願陛下選 殿去故也以近事驗之巨師古未知名之人能 南王全斌下蜀未當過與官爵郭進守山西李漢 之慮既深則臨敵用命者鮮矣當觀太祖太宗皇 卷九十 佐 則

-Calbin 1.11 飲食草料蓋敵騎之行若飄風驟雨郵傳步人探 馬乗騎前去分頭探報遇有警急令奔馳前來逐 臣将校百人分為十二隊給弓箭手刀及選擇 斤堠不明萬一散騎南牧須揀選有材武心力 使 是選擇殭壯有物力之人乘上等壯馬四五人為 探其探事精審日馳二百餘里而中國諸軍自來 人給金字牌與之所至村民官私驗認牌子給與 隊齊弓箭及手刀不帶衣甲前去探事號曰硬 **驻代名臣奏**義

舒好四年全書 **筆筏致南岸無由掩擊臣願** 渡 述 州 橋 報 堠 人次年正月在金人寨中親見金人 乖 而大臣以 執 而京 河緣北岸無探報 不及近年之弊往往緣此臣宣和七年陷于金 謬 知 州宋伯友縱之使歸京 師 如 此之甚誠可怪駭又如累年以來敵 循不知是年十一月金人已渡河 謂破 卷 (九) 鄭 州者 不知戎馬 河 陛下 北 温宠非, 所 師 明 聚令治舟 伯友請都堂 作 引 堠者 金人夫斤 兵到 上 楫 破 此 德 騎 th 紋 鄭

六日訓殭弩臣嘗考近年以來金人入寇我師遇之 事驗之敵人之長實在騎兵我之所長莫若殭弩 異而射之所以不能立臣當觀史冊所載及以近 出入谿澗且馳且射匈奴之長枝也材官賜發矢 今欲禦騎兵拾殭弩将安用哉晁錯曰上下山 坂 以鐵騎張兩翼前來圍掩為將者全不預謀分兩 不能抗彼之騎兵故也又金人遇中國之兵往往 不服成列軌奔潰敗走者以平原廣野我之步人 医戈巴豆奏药

欽 远車全書 告泉种師中將前軍羌酉比精者領鐵騎萬餘人 來皆射六百步之外韓卒起足而射百發不暇 技也其理亦明矣蘇秦合從說韓曰少府時力距 前來奔衝師中下馬號令以殭努射之乃退雖相 載兹可驗矣以近事言之崇寧三年環慶路築大 道同的匈奴之革笥水薦弗能支也此中國之長 甲疏勁弩帶利劔一人當百不足道也夫史冊所 止遠者達胸近者掩心又曰以韓 卒之勇被堅

. 問也日近用兵多係孤軍獨進為将者不知 年冬契丹大西四軍太師引精銳來寇霸州大戰 大敗今淮東提刑薛彦國時為第十五将可台 列以馬黄弩神臂弓射之敵騎少却我師垂之遂 馬黄弩神臂弓藥師本將人馬分隊相間擺布 於永清縣北郭樂師用河北第六第八第十五 持數日不敗五軍中必有老将見此事者宣和 利遂致中原之長枝無由施設且如萬人為軍 まちらえれん 彊 努 對 將 而 四

一欽 定匹庫全書 箭在軍器中雖最能及遠然其藝難精自來逐 並發人人只能發兩箭則敵人必卻敵人既卻 千人操弩敵人騎兵縣至奔突使三百步內強弩 緩急之際施放不快不若殭弩之輕捷臣願訓 我師每為騎兵衝突指足不定所以敗也神臂弓 師乃可立我師立定然後可以語戦近時之敗以 弩者此也 下能射神臂弓者率不過三四百人兼臨陣對敵 將 我 殭

七日分器甲臣當觀敵人之軍兵器便利衣甲堅容 長甲脩長者或得短甲力能挽七斗弓者或授以 家居日逐擺甲曹而習弓矢所以器甲各適用中 國之軍莫非照容器甲從官給身驅短小者或得 至薄而緩急以丁點軍器甲鞍馬無非自辨平時 以多敗何以言之敵人之軍皆是民兵平時賦敛 所以多勝中國之軍兵器不便利衣甲不堅密所 石弓力能勝兩石弩者付之以三石弩致弓弩 壁弋台豆奏義

甲 所以心固而敢戰漢兵遇敵馬軍全裝步人則 勝歎哉昔馬燧製衣甲必分三等蓋有深意晁錯 不適用良可哀也又蕃兵遇敵步人騎兵皆全裝 驅人於行陣之間以肌肉冒鋒刃而甲不堅密器 曰 不適用反與短兵同寒餓之卒無力自辨器甲 非特此也敵人軍行有車無牛畜般載器甲 不具所以心怯而畏戰步人戴笠子不能 甲不堅審與祖楊同射不能及遠與短兵同 卷九十, 可 衣 頛

一一一 一 一 至 本 重 全 書

...)... 日備水戰臣契勘金人既殘破京東州郡而京 也臣願 路 謂分器甲者此也 何 以步人可以全裝我師之行無般載器甲之具步 在 人全裝則困於負擔矣此又為將者當講議措畫 扨 州軍去年殘破外止存金州與順昌府敵人志 措置係具以聞庶使士卒之心堅固敢戰臣 掠向北州軍既無所有則秋冬之交睥睨 詔五軍 統制官使之講論其事今日合 壁弋召至奏我 所 淮 西 如

欽定四庫全書 曹操拾鞍馬仗舟楫與吳越爭衙本非中國所長 南必矣江淮水戰之具在今日豈可不講然防 觀曹操軍方連船艦首尾相接可燒而走乃取蒙 戦之計矣防江之事莫若備水戰令朝廷雖於 難 江府擺泊海船以備禦敵而上流州 之計哉昔魏武帝既得荆州引兵窺吳周瑜策曰 抵真州儿可以濟渡處並未聞措置豈可不 冷 江易是防淮不若防江也臣已條具夾 軍 -自荆南 淮 預 為 府 鎮 淮

數十方百餘步令若可用亦不可廢也又古之 步受二千餘人以木為城起樓 僧開四出門其上 衝關 艦或曰樓船或曰海鶴或曰游艇臣又當於雄 皆得見馬所謂大船連舫今亦可作也又造大筏 不可忽也又觀王濟伐吳造大船連舫方百二十 衝 上建牙旗又預備走舸大破曹公於赤壁所謂蒙 鬬 盤當請求其法製造於長江所謂走何者 艦數十艘實以新草膏油灌其中裹以惟幕 至ちる之奏義 戦 一本朝 亦

欽定匹庫全書 九日控浮橋臣契勘四州壽春府各有浮橋除壽春 員自池州至鎮江府專切提舉製造戰船教習水 伏望聖慈專置使二員一員自荆南府至池州 軍及詢訪古今備戰舟船設施利害申明措置不 守泗州浮橋矣竊恐斥堠不明探報不的萬 府浮橋因大水漂壞未曾修治外朝廷已差兵防 可少緩臣所謂備水戰者此也 州見備戰輕舟或曰刀魚或曰雲梯皆不可關也 **巻九イ**

. 見敵中旗幟急以猛火焚斷纜索遂不得濟敵人 不意敵騎遽至人兵倉卒奔潰幸南岸守橋人望 梁方平雖領精銳人兵在黃河北岸以失於探 既不得濟乃沿河上下尋覓舟船編排巨筏又四 正月間金人到磁州邯鄲縣先遣郭樂師提騎兵 兵或馳至緩急無以指手不可不防也靖康元年 三千夜馳三百里比明至濟州奪浮橋是時內侍 五日乃得濟欲望聖慈詳酌委官審竊前去措置 臣气召至奏先 ŧ 報

欽定四庫 十日審形勢臣仰惟陛下聖德龍飛前年五月即 若可解 拠 止 於睢陽聖心慮遠究觀損益謂汁都之境距大 解 並 之倉卒荒擾事不侔矣臣所 擺泊 淮 百里過大河乃金人界也誠未可以還闕乃 拆即南岸措置猛火油准備緩急焚裝纜索比 全書 甸 駐蹕 於南岸却以舟船濟渡過往之人如未可 护即 N. 維楊建今翰歲矣茲者金人攻破 權暫解折其浮橋脚 龙上九十 謂控浮橋者此也 船并大纜物 時 河 料 位

たこりえ シャラ 戰為備江之計矣臣願陛下明的大臣及統制 臣已於前篇條具夾淮一戰之計矣又請大智水 須逼江此實忠臣義士殺身徇國決死一戰之秋 則我必渡江若渡江之後又不能控扼則敵 渡 河已不能控扼我乃渡淮既渡淮矣又不能控 北京東州郡尚未退師若殿殿南來則大駕必須 講論一戰之計可以圖萬全之策夫以金人善 江此勢之必然人情之所共知也夫敵人過大 歷代名臣奏議 騎 扼 亦

十六

金分口四百重 落士卒心驚亦未當布為一陣使人自為戰若 遇之望風奔潰不服接戰是以烟 塵所向大將 花靨鎮以備衝突臣契勘自金人犯邊以來我 學兩軍以一軍也四州盱眙縣以一軍也壽春府 界淮河淺狹幾可徒涉此尤不可不防者要當分 禦備則必 遣重兵由壽春府或光濠州境內渡 南來及以輕兵由宿四前來牽制我師兼光漆 用兵善料敵彼知聖駕駐雖維楊楚四之間 卷九 必 有 膽 師 淮 州

ハマンク・レ ハンド 豈不辱顏那 羽其心惡之且點布一卒能置陣如此今之大 具存别有陣圖可考昔漢髙祖望照布置陣如 則可以語一戰矣常山蛇勢雖此味不傳而兵 師 法若遇節制之兵一敗之後必至於顛沛但令我 據 可支持也金人用兵雖號驍勇然而無紀律無陣 做古陣法題用節制人人不退走迎敵角勝 淮 阻險以決一戰必至於糜爛不振又至於不 臣前所論金人所向盡用騎兵平原 歷代名臣奏说 項 法 負

釤 **灾四库全書** 廣 軍失律之将未當明正典刑 近 陣 勝 說 之 將 年以來朝廷駕取將帥賞罰未明人不乎信 可謂無必勝之将矣又安得必勝之兵哉加 法何以示天下耶昔孟氏之敗責其将士曰 如 則夾准一戰 野我之步兵決不能抗若非阻 何 無必勝之兵令大將人人畏怯各陳引避 據險 如何進止以此一舉臣又聞 伏願疾速處畫揀閱人兵布 卷九十二 致令統兵者畏死 險 用竒決不 有必 列 之 吾 行 不 败 バス 勝 能

舉山東之衆號三十萬以助世充諸将怯懼太宗 箭哉昔唐太宗征王世充陣於洛陽之西實建 襲其後一戰而擒建德夫唐太宗敢陣於兩賊 奮獨見之明引兵過洛陽陣於兩賊間不憂世充 為客諸将尚躊躇而不敢進國之爪牙将安用哉 而夾淮之戰在吾境內有糧草有地利我為主 吾東向放一隻箭今日大将 父子以温衣美食養士四十年一旦臨敵不能為 建 占五人人 誰肯率泉北向 放 彼 間 德

顺浩又奏曰臣今月十七日准入内内侍省遞到金字 威大振近時用兵未當行此誅責然則孰肯用 哉臣究觀金人之勢若二三月間不寇淮甸則 遂败吳軍世宗休軍潞州斬樊徽何爱能以徇 徽 形勢者此也 冬之間南牧必矣備禦之策不過如此臣所 告周世宗征河東劉旻率泉犯陣兵始交大將樊 何爱能退走其騎軍亂世宗躬督戰將士皆奮 願 審 軍 秋

銀灰四庫

全書

業也臣雖老且病然荷陛下非常之眷懷天地莫報 德 以方各仰見陛下盛德謙沖將在羣策以圖中與之 要奏奇功遂使勍敵退兵生靈按堵凡所謂善後之策 初奮發獨斷親御六雅巡幸近邊號令諸将上下用命 固不能逃於聖算矣尚且發德音下明部俯詢舊弼問 日齊唇謨天縱方並臣作亂倡導敵人侵犯淮甸之 軟以所見析為十事几今攻戰之利守備之宜指置 医弋马豆果院

降付臣記書一道臣已望闕祇受外臣仰惟陛下

聖

欽 無 臣生長西北两邊出入行陣衛二紀耳聞目見粗為習 之方綏懷之器具在十事內雖智識蹇淺無所取材 定四庫全書 任就皇戰懼激切之至 謹繕寫進呈所其螢燭水光增輝日月冒瀆天息 論用兵之策臣契勘臣在河北塞上守官歲久日 天性聖孝痛北府之未還悼生靈之茶毒屢遣信 復戰而契丹之衆不悟其許卒致颠覆仰惟陛下 魏金人與契丹相持二十年今歲戰次年 和次 とれ 十ノ 年 臣 然

今幸敵人已退若不用兵則五月間必傳箭於敵 南來大入淮甸又與劉豫同惡相濟其志豈小哉 矣歲歲舉兵侵犯川口去年雖不曾出兵而移師 之命而敵性貪婪吞噬不已自王倫之回路四年 使早解屈己祈請講和以舒父兄之呢以救生民 中秋冬間復舉兵至淮甸在我支梧賊斂終至財 得還中原之地必不可復偽齊資糧心不可焚或 力困竭此不可不用兵也況不用兵則二聖必 近七二五五天 Ē 不

欽定四本全書 二論彼此形勢臣契勘金人本契丹所屬之國止緣 戰 使 滅 急為備出其不意乗時北伐此用兵之利也 曰 嗣 天祚侵陵其民誅求無厭以致情怨舉兵交戰遂 問造使命再始書以騙之復示弱以給之而 在其間既不可因戰而廢和又不可因 如此遂廢講和一事那臣對曰不然古者兵交 耶律氏政和年間內侍童買奉使大途得趙良 於盧溝河聽其狂計遣使由海道至女真國通 卷九十十九十十九十 和 而 我 忘

成戰無不克横行天下又近十年彼之勢可謂殭 貝勒三太子四太子達蘭郎君之徒是也謀無不 徒是也為之將師者幹理雅布札木國王伊都羅索 彦宗烏舎員勒蕭三太師高慶商王芮張愿恭之 日久都無戰備必可圖也遂陷中原勢愈猖獗二 矣然尼雅滿性好殺而喜戰用兵不已昧於不敢 十年問主張國事者國相尼雅滿也為之謀臣者劉 好女真既減耶律氏兵益衆勢益張知中國太平 まちるをもん

|欽定四庫全書 淌 数人下其将士所有子女玉帛充物于室志驕意 民怨窮極已甚此亦将亡之兆劉彦宗幹哩雅 兵所至族其强北老弱掠其婦女財實悸天道結 思其鄉土勢必潰散有將亡之兆又敵性嗜我 自焚之禍部曲離心久矣將士厭苦從軍皆謳吟 rt 伊都礼木國王羅索貝勒皆已死所存者才氣皆在 此亦将亡之兆凡此皆彼之形勢也我之形勢 之數年前則不同何以言之數年以前金人所 巻九十六 布 將

備矣兵既精器械又備將士之心曾經戰陣膽 淮 獲捷於明州陳思恭邀擊於長橋去年敵人初 不怯勇於赴敵故頃者韓世忠扼敵於鎮江張 甲宫室非飲食而輟那財用修造器甲令器械 留神 已精矣陛下聖性精於器械製作工巧數年以來 向我之戰兵未及交鋒悉已追走近年以來陛下 南世忠首挫敵鋒諸將屢得勝捷至于吳玠 軍政棟擇精銳法去孱弱令二三大将下兵 俊 畧 氣 到

次定四年合

歷代名臣奏疏

鱼乡 三論舉兵之時臣在河北陝西緣邊備見敵人風俗 每逐年四月初盡指官私戰馬逐水草收放 復中原則必有後時之悔豈可少緩哉 有兵十四萬而平定諸國遂取天下沉今有兵 次大捷于川口此我之形勢也夫太祖太宗皇帝 飼以麥豆準備戰關又敵人所長者在弧矢之 五萬察賊之勢如彼度我之勢如此若不用 X 殿入殿之後禁人乘騎八月末各令取馬出 白し 號 兵 利 恢 溅 曰

J. 20 20 1.15 豈虚言哉臣於紹興二年十一月初八日當鋪 意外一舉無遺類矣嗚呼世稱杜收知兵善論事 杜牧之論具劉子奏陳次日進呈之際蒙聖論以 奴率以秋冬當虜人勁弓折膠重馬免乳之際 裔犯邊未當出於盛暑之時歷代將帥儒臣皆不 而暑月弓力怯弱射不能及遠故自古至今儿遠 知此惟唐杜牧嘗獻言于宰相李德裕曰漢伐匈 之較勝負故敗多勝少今若以仲夏月發兵出其 程代名 臣奏議 干二 與

釤 吳四雄全書 将速為之情於今年四月初舉兵北伐若乃進兵 機會有不可失之時密與大臣決策定議陰敕 令今年秋末復為邊患臣願陛下奮發容斷乗 知矣然則和議豈可憑信在我之計豈可但已 和 為夏月舉兵乃周宣王六月北伐之意也然時方 之路超汴之計供的之方招懷之界臣一一條陳 而豫城之子已與敵首引兵過准信義俱棄可 和未服及此去歲秋末朝廷再造使人北去 老儿十二 請 縱 大 此

ここうこ 四論分道進兵之策臣本東北人自中原陷敵以來 兵 虚思望本朝之心至今未泯茲蓋祖宗德澤感民 東路不曾經兵火百姓安堵如舊然告於劉豫苛 之所致若垂斯民侯望之深出敵人不意之際 傳聞京西路殘破為甚京畿次之惟京東路河 察 於後伏望審明深思熟計廣詢博訪施行乞賜睿 北代必有大功縱未能盡有其地亦可收人心 1.11 胜代 名臣奏議 Ī 北

一多 好四 库全書 員統之山泗 兵二萬人駐 乞於即今所有戰兵數內差撥五萬人選大將 慰民望也臣已條具今年四月舉兵之策矣臣欲 必望風而下又遣大粉一員提兵二萬駐濠州 師二萬人由明州趁今年四月內便風泛海前 張聲勢此兵不可深入以糧運艱阻 攻沂密至青濰州京東之民企望王師日久所 泗州為應援又别選大將一員統 州楊南京至汴京仍差大将一員 但時遣奇兵 舟 去 統 至

.... 中原之地黄河以南必先為我有者蓋謂是也乞 具奏兵法所謂彼入我出彼出我入不二三年 師過淮次年復出臣已於去年十二月二十八日 宣諭朝廷德意蠲除劉豫什一之政明出黄榜除 逐處豪傑為眾推伏者主管事務七八月間且班 二稅之外更不行青苗預買之法所下州縣選差 下惟是申敕大将所至不得殺人不得劫掠務要 渡淮橋順昌府陳州則京西北路諸郡傳檄亦可 经气品豆果我 产 削

|欽定匹庫全書 五論運糧供軍事臣已條其分三路進兵以窺中 賜睿察 密州 **濠州策應入界大兵所有軍糧由淮河水運可到** 明州支上件米充一月之糧令海船 沂密州兵二萬人每人日支米二升二萬人每日 事其糧食亦合分項應副一項自明州由海道 合支米四百石一月合支米一萬二千石臣乞 板橋鎮左右住岸則有糧可因矣一項駐 卷 *t* 九 1 附帶前去 於 趨 軍 到 原

奪 敕 南京以北鄉民稍有耕種則可以因糧矣仍乞中 **濠州岸下則此項人馬不患之糧也惟是自四** 除糧食必藉鄉村百姓供應外一行軍士如敢 淨米五萬石前期運至四州准備諸軍附帶入界 合齊十日之糧至有糧地分乞委江浙漕臣棟 超汴京之兵五萬人緣四州以北汴水不通諸軍 大將軍兵所至晚諭鄉村使民通知王師吊 財物却掠婦女並行軍法及處分大將凡王 師 選 攘 州 伐

火足口自己的

歷代名臣奏説

二十六

孟 ダレ正 六論大兵進發日乞聖駕駐蹕鎮江府事臣於建炎 請韓世忠到都堂諭以焚毀劉豫糧料事世忠曰 濟渡乞車駕進幸浙西號令諸將前去江上夾擊 鎮江府江心穢舟邀截住敢首四太子人馬未得 四年春末車駕在紹興府日當具奏韓世忠已於 此乃清野之法不可不行合具奏知 並行焚毀紹興二年臣在政府日已定計北伐當 所至搜索劉豫父子所聚糧料准備資給金人者 とうけん てこうこ 方疆德光舉兵破汴京之際大遼疆盛自古亦罕 社 斬獲既泉敵遂退師此乃皇天悔禍開悟聖東宗 闆 決策下親征之站大駕進幸平江諸将罔敢退縮 政 至自可以聳動人心銷拜羣隱此議未決而臣罷 敢酋及具奏聞以萬乘之等仗雷霆之勢車駕所 有靈遂將恢復之兆也臣當考五代時耶 其事不行去歲秋末敵騎初到淮甸陛下奮 也不數年周世宗即位慨然有發奮之心親統 1.1. 狂代名臣奏说 子と 律 氏 然、

一部 好四 雄 全書 天資聖武精於馳射何憚而不行哉乞賜容察 髙 若夏初進兵北伐乞時暫移蹕 找 諸軍巡行塞上其出師也自乾寧軍御樓, 大將撫循戰士記遣之此帝王之盛舉也當觀漢 代史云世宗英武之材可謂 河 順 祖唐太宗取天下櫛風沐雨 非明於決勝者孰能至哉伏望睿明深思熟慮 流而下故北取三關兵不血 巻九十 雄 躬臨行陣況陛下 椎駐 傑其料殭弱較 Ŋ 歐陽修 鎮 江府訓 船入 撰 黄 飭 彼 Б.

七論經理准甸臣契勘淮南東西路平原廣野皆天 濠四州壽春府差武臣外其餘並差文臣使之 大 臣欲望聖慈更命輔臣詳議可否應淮南州 講經理之政仍勘率鄉村於三月間多種早禾六 破敵決戰當責武臣撫存凋察招集流移當用文 曠土彌望數百里今又重困金人蹂踐焚蕩一空 正當選擇守臣經理之際不可緩也夫總兵統聚 下之沃壤自建炎三年金人殘破之後居民稀少 主じら云見ん ĨF\ 郡

一欽定匹庫全書 令講求羊枯治襄陽之故事踵行之其通泰州産 七月間成熟可濟熟食比至防秋場國罪矣其東 益地分尤宜選任能吏收益息以助軍與臣於宣 西二帥可委者因任之不可委者别差官仍訓 楚州産塩浩瀚倍如浙東西有此數事豈可不遊 路入納歲得一千四五百萬貫浙東西歲收七八 和元年任太府少卿當考權貨務入納大率淮南 百萬貫下户部勘當便見告年所收實數蓋通泰 敕

論機會不可失事臣在陕西緣邊見中國與夏人 乞賜春察 事體輕重而圖之級懷之界自此者始此其要也 樂之備若小小寇盗有兵者猶可樂桿若大敵至 選守臣乎或曰敵首若犯邊文臣豈可委臣對曰 不問文武官皆不能保守也但當較其利害大小 矣金人相近望風適去大率東南州郡無城壁守 不然去年宣撫司嘗奏武臣楚序等守承楚泗州 医弋台五葵卷 i t

欽定匹庫全書 是豈金人真不可敵哉我之兵不精耳故自宣 敵 過 数 再舉而犯楊州又再舉而渡大江并陝西亦失之 七年以來金人一舉而圍汴京再舉而破京城又 金人猖獗以來中國之兵未當交鋒望塵奔潰者 相 持前後五十年每出兵接戰勝負各相牛惟 則金人宣復能强梁横行如往年哉以近事言 江之時戰士屢經得捷膽氣不怯人人皆敢 年以來朝廷深究其弊修軍政備器械又敢 和 自 迎

くこうら こか 王師 不然昔漢萬祖人關約法三章除秦煩苛之今民 之期矣或曰得汴京而水能守何益於事臣對 可知矣夫侵陵中國如此之久侮嫚如此之甚今 頓兵百餘日師老糧匱無所得而通則情見勢屈 提於仙人關去歲九月敵犯淮甸我師累捷敵人 心歸之項羽雖以其地析為三秦徒高祖於漢中 之吳玠初擊退於和尚原再禦退於競風嶺又大 已振敵衆向衰若不發兵攻擊則終無討 歷代名臣奏談 = 日

一部 定四 库全書 非望得又可以示我宋不忘中國土地人民之意 可以擒劉麟平偕偽使中原之民知神器不可以 部 不過九十五萬貫紹興三年臣在政府日會計 年間國家以富有四海之事力而户部支費每月 兼彼入我出彼出我入無大悔各乎臣當考宣和 然關中之地終為漢有因之以取天下況此舉必 經費必有增添之數夫養兵二十萬不能北 經費每月一百一十萬貫臣間退以來切 卷九十 向

.......... 九論舟楫之利臣當觀晁錯論兵以謂中國之長技 爭天下則東南民力何可支格豈不寒心哉況中 南當以舟楫取勝蓋舟楫者非敵人之長枝乃今 E) 五速裔之長枝三未當不歎服錯之知兵也以 亦難矣臣冒死為陛下喋喋言之乞賜睿家 見管戰兵漸次衰老消磨既盡雖欲北向爭天下 原之人强悍壮實東南之人柔脆怯弱數年之後 論之敵人便鞍馬每以騎兵取勝國家駐蹕 歷光公至奏人 É 今

一致 定四庫 與 萬照應北伐之兵矣臣當廣行詢 耐 水 上廣東西船次之温明州 日我之長枝棄而不用可勝惜哉臣己乞舟師 人皆云南方木性與水相宜故海舟以 業朝廷其捨諸 敵人相持之際天以舟 久又不能 不相宜海 全書 , 你風涛 水碱苦能害木 臣自 悉几个 在往有覆湖之患今者國 少壯時過走兩 楫之利 船又次之北方之木 性 故 賜我 舟 問 船入海 海上北 浙京東 助中興 福建船 來 不 家 之 為 與 河 能

裝鐵甲使之北去范温者本京東界不肯臣劉豫 弼 之人在海山問聚聚屢與豫賊相抗可遣也雀 密州仍選差曾在京東界與人接戰將兵授以全 補 中諸郡今當聚集福建等路海船於明州岸下 講海船之利以擾偽齊京東諸郡河北諸郡及敵 北及敵中沿海地分通知海道可往去處是宜大 在青州為將官數年問與金人於青維州界 船主梢工一官依臣所論齊一月之糧前去 沂 邦

災定四車全書

~ **Į**

歷代名臣奏議

亦喜之可造也臣自離朝廷不知諸将下見管人 或法往諸州軍充廂軍若盡行劉刷歸范温處約 兵之數遙計崔那獨下有兵約三千人王進下 鋪兵士後來為兵官當屠戮敵人留在青州者人 兵一方之人極喜之可遣也王進本係登州界通 得五千人已一萬人矣又於諸軍中補足二萬人 之數遣行所至去處遇偽齊海船可用者即留之 二千人范温初到時有兵六千人後來併入中軍 卷九

十論并謀獨斷事臣當考古之帝王舉大事決大議 謀不可不廣而斷不可不獨晉武帝欲伐吳羣臣 睿察 憲宗欲伐蔡衆議排沮惟裴度與帝意合一舉而 之費到彼資東北之糧萬全之計豈可緩哉乞賜 其不可用者即焚之趁南風而去得北風乃歸敵 人雖有鐵騎百萬必不能禦夫此行在我無浩瀚 謂未可惟張華赞成其計故一舉而平江表唐

大巴口戶 A 等

歷代名臣奏議

=+=

擒吳元濟韓愈領其功曰凡此蔡功惟斷乃成不 赦不疑由天子明是也今陛下以聖明英武之資 禦敵之道人人所見既不同則議論必不一若夫 謂上策莫如自治或以謂來則拒之去則勿追乃 臣 方敵人退兵之際首以善後之計下詢於前军相 稽考已然之事斟酌今日之勢孰利孰害孰緩孰 欲且保江南或欲經理淮甸或欲堅守和議或以 料六人者或以謂當用兵或以謂不當用兵或 卷几十

金分口及台言

意不淺今其去也必大為之備秋冬間若本國別 欲吞噬我國家陛下屈已極矣去秋忽然兵至其 定計北伐極密院機速房具有案底偶潘致克高 選二聖復中原牽制川陝敵兵紹與三年春臣己 急是非可否在聖主獨斷而已臣事陛下之久出 二年矣夫敢性及復金人尤狡譎其操心堅忍必 公繪自敵人 處奉使回恐害和議其事中報令人 入將相踰五年平日當以謂若不舉兵則必不能

父已日日公告

胜代名臣奏議

+121

貼黃臣契勘自金人入境以來天下之論或以謂 待盡於吠畝問妄陳所見不中事機惟陛下放其 謀及卜筮所贵處無遺策動有成功臣年已衰老 决不可苟時暫安而忘北向爭天下事萬一欲舉 萬死乞賜容察 兵更乞質諸大臣參訂禁從博訪卿士謀及庶 無牽制心舉兵南來或併兵以窥四川在我之計 誹 和議或以謂必須用兵二說膠擾曾無一定之 なんけ 必

金グロろん言

量和議可成或不可成如和議可成則臣乞舉 我爾伏望聖明深賜洞察祈請十年器無顯效 敵 韓肖胄胡松年章誼孫近魏良臣相繼入國竊 虚中王倫朱升郭元邁魏行可崔縱洪皓襲轉張 之策置而不用可也如和議決不可成則臣衰 邻革前後祈請非不切至近又遣潘致堯高公繪 論伏覩自建炎元年至今前後所遣使命差宇文 人國書必無果決之言亦有難從之請姑欲 敹

大正のら かたり

歷代名臣奏 張

三十五一

金り 書生尚欲依太平之際必欲備法駕具儀仗非此不行 聖言不覺感歎竊以方今天下多難乃用武戡定之時 與我人同艱辛而范漴又以為不可緣此鬱鬱臣仰 軍管按視諸将教習陣隊而前此军執力陳不可近 顾浩又上奏曰臣昨日留身奏事仰蒙聖諭朕欲親幸 自 杭州舟行到常州縁諸軍陸路不易遂登岸乗馬 上治之之日按行營陣出入御馬乃其宜也而儒 区四百二 之言或可備收採謹具奏知 军 欲 H

陣後遂擒竇建德此皆聖人英武之累但陛下今日不 年之戦帝麾軍先登率史大奈秦叔寶纏塵幟馳出賊 甲胄平定禍亂如榆窠園之役與單雄信親角勝負虎 帝親屈帝尊往來於棘門灞上細柳營勞軍以今觀之 往還必須三两日是時臣僚亦不以為非唐太宗躬樣 是猶欲以干戚之舞解平城之圍也昔周武王師踰孟 白咸陽東南西漢故都至灞上道路約五六十里計 左仗黃鉞右東白花載於經籍未聞有非之者漢文 其

次定四草全

歷代名臣奏議

金グレ 頥 索難若按視軍管出郊跨馬何損於治哉臣願陛下以 當親臨戰陣不當履危冒險不當馳騁畋獵不當身屬 德的格之所致也夫敵人今年既不渡江則諸事可以 意近者蕭愿中引兵冠江今復稍退此皆天佑本朝 中 剛 正月遂直犯楊州去年十月以大兵分路渡江皆有 斷為心以神或為事勿拘俗儒之論自為鬱鬱以 浩又奏曰臣 契勘金人自建炎二年引兵<

海淮三年 與之業臣不勝幸甚 J ノニ 卷九 昌

然後乘大暑之際遣精銳之兵與劉光世渡淮椅 易通於川快將兵順流而可下漕運不至於艱阻然 中興之實事今當先定駐雖之地據都會之要使號令 北 州至建康府處置已就招安尚懷及側之人於明年 連發大兵一頭項往江西湖南以平華寇一頭項 三月間使民得務耕桑則大江以南在我之根本立 去由 手矣將以創中與之業伏願陛下發中與之誠心行 淮陽軍沂州入家州以搖青軍命張俊躬 往 親 角 統 後 而

欠已日日 公告

歷代名臣奏疏

千七

當觀自古有為之君將以取天下者弗躬那親則不 江以南我之根本不可立而日後之患不可勝言矣臣 未泯之時知王師有收復中原之意則中興之業可 兵由河中府入絲州以撼河東乘两路餘民心懷我宋 邊出入行陣二十餘年今者年踰六十近在軍中頓覺 唐太宗櫛風沐雨之事速圖之不可緩也臣在西北二 也若不速為之逡巡過春夏則金人他日再來不惟 禍亂定海內伏望聖慈考漢萬祖馬上治之之迹 覬

金分正四百章

卷九

笳 ...)... 受恩至深論報無所敢不竭所聞以對然言方盈廷不 知 所存則中與之功指日可俟臣雖固陋不肖疾病久衰 之達聽邁成湯之好問不問遐遇務聞至言窺德意 置之方級懷之器可悉條具來上者仰 所幸未填溝壑之前一見中興之業爾を賜睿家 福州張守應部論事劉子曰臣今月二日伏奉部 卻敵之初圖善後之計几今攻戰之利守備之宜指 力衰憊非復告時之强壮也日望陛下賜骸骨而歸 坚气的主尽我 惟陛下體虞舜 主 書

願 當枝詞莫說廣接古今以煩乙夜之觀姑論利害之實 勝則不能緩懷去冬敵人長驅以抵淮甸盖以指置未 揩 沥 原 保 置失宜則 能 謂莫急於措置指置苟當則餘不足為陛下道也蓋 固得民人而未能阜安是自困之道也明詔四 以快宿慎臣謂中原固可垂手而取也儻 留神財擇議者必謂敵人既追當追奔逐北恢復 保固其土地阜安其民人則善矣得土地而未 不能守備守備不固則 不能攻戰攻戰 戰 液 事 中 能 臣 復 不

欽定四庫

全書

教儿十二

令 置軍旅神武中軍當專衛行在而以餘軍分戊三路 言措置之大器其 能 要害之地以處之使北至關陝西抵 軍 康 也 相開有唇齒輔車之勢則自江之南可以莫枕而 駐趾建康然後可以經管中原此緩急之序也臣請 無失故也夫防江不若防淮防淮然後可以駐雖 然今之大将皆握重兵貴極富溢前無利禄之望退 駐于淮東一軍駐于淮西一軍駐于鄂岳或荆南 一措置軍旅其二措置軍食何謂 臣弋召之奏義 川峽血脉 F 相通 措 建 卧 號

致定四 朝 多寡在彼猶在此爾則所患者轉輸也然祖宗以來每 置軍食諸軍既已分屯諸路則所患者錢穀也然所 歲上供六百餘萬斛悉出於東南而轉輸未當以為病 無珠罰之憂故朝廷之勢日削兵將之權日重而又為 将安屬耶臣謂宜拔擢麾下之将使為統制每将不 大將者萬一有稱病而賜罷或卒然不諱則所統之衆 五千巷布三路朝廷號令徑達其軍分合使令悉由於 廷優假朝廷之權以用之然後可以有為也何 庫全書 巻九十 謂 費 過 措

火足四車全書 州縣以復業之民户口多寡為諸將殿最歲終遣官覆 患然後特降的書戒的諸將申嚴紀律不得秋毫侵擾 令漕臣州縣聞諸朝而痛懲之諸軍錢糧既無之絕之 路各造一二百隻專充轉的如有官司或諸軍拘留 於不足也然自艱難以來漕運之船悉歸漕司仍委 之數責漕臣輸將而歸其餘於行在錢帛亦然恐未 江西之栗以的淮西荆湖之栗以的野岳荆南量所 也今宜以两浙之栗專供行在而江東之栗以鉤淮 歷代名臣奏議 1 則 諸 至 用

復遣大臣為之都督使諸路之兵進相援退相 實而升點之則民得以還其鄉里而田 矣去秋之來妄意車駕遠避則大入江浙如葉歲之易 地 山之蛇首尾相應居則可以守備而進則可以攻戰 之愚誠敢因清問之及而冒貢一二敵人之輕中國尚 傳檄而定偽齊可以折錐而答强敵可以保固其 而阜安其民人綏懷之器亦在是矣然臣復有區區 江 北州縣有與復之期矣如是措置既定候至防 卷九十 野日 闢生齒 保 如 常 土 秋 可 E

Telangual litin 此二端之為要也蓋所謂慎德不過正心誠意畏天爱 談初無驚人可喜之論然簡約易行悠久見效則未有 內修政事外攘夷狄惟修政可以攘夷狄此皆書生常 一德四夷咸賓惟修德可以服四夷也周詩之頌宣王曰 在陛下內修德而外修政具名公之告武王曰明王慎 須悉兵舉國以取必勝是宜陛下留神於善後之策也 如前所陳措置大器臣熟計之猶為未也究其本原 也今既挫動悵然而歸後必不敢輕入使其復來其計 歷代名臣奏議 四十二 則

盡其力信賞以勘功不以所喜而與之必罰以治罪 德者無不戒也持久不粉盛德日新四海愛戴而不忍 必罰任賢者非止崇以爵位尚知其賢則一 不復致疑使能者不必信任尚有 所惡而奪之以至抑權俸裁冗濫謹法度興廉耻 以害治者無不去也正朝廷以正四方何患天下 何患逐人之不服乎所謂修政不過任賢使能信賞 能則隨其才分 切信任 不 而

多分に四百書

民儉于家勤于邦遠聲色屏貨利兢兢業業几可以累

巻九十

Ł 祭承四方延頭拭目以想 德澤之深基本之固歷數延洪與天無極陛下以神 塞 守為殿中侍 不可為而政事之在人者不可不勉也竊惟國家承 下之勢恐數脩短存乎天强弱治亂本乎政事在天者 久振古未有而兵革之既亦振古之所無然而祖 眇 品俯伏以俟誅 御史乞詔大臣講求政事劉子曰臣 殛 中 與則内修政 事外 **樂强敵** 閘 击 宗 夭

正七二日天成

不

治乎伏願陛下果斷而力行之臣言狂瞽不足以稱

欽定四庫全書 書米鹽之間臣恐未足以致太平也恭聞太宗皇帝當 夫勉其死若乃遵常守故濟濟相遜而勞形休心於簿 於獲濟固宜賢者盡其慮智者竭其策勇士奮其節 國不為不至矣然未見赫然有所設施以慰天下之望 再 在於因時設施以隆不拔之勢仰惟陛下憂勤反席 謂大臣曰卿等所奏簿書乃是常事惟時務不便尤 也夫扶顏必 御 朝而公卿羣臣上體焦勞廢休幹窮日力孜 期於正持危必期於安援天下之溺必 老月 ナイ 孜 期 奉 須 怯 E)

處 尤當爱惜寸陰以急先務又況令春金人踐踩京西殘 及陝右意其秋冬之間必大舉深入汲汲為備猶恐 及也臣願陛下詔執政大臣惟以治軍旅選將帥嚴守 心當事者以責任大臣今茲親虞聖哲馳騖不足之時 決行下庶幾精神心術不致煩勞日力不至虚貴有 **儿細微不急之務付都司六曹長貳檢詳祖宗法令** 廣儲積搜求人材慰安人心係政事之大者專意講 きくるとえる 不

極言其失又以在位諸臣自負才術既用之後军有悉

宣帝用是總聚庶政以致中與臣之區區誠有望於今 守 遭遇其時言聽計從而未有建萬世之長策舉明主於 之圖也漢王吉有云欲治之主不世出公卿大臣幸 目言天下之事伏念受陛下大恩目覩利害不敢嘿嘿 三代之隆務在簿書期會聽斷微訟此非太平之基也 Ł) 臣言在瞽惟陛下裁擇 洪州論遣使劉子曰臣切膺閩寄職事之外不當 得

欽定四庫全書

上助陛下大有為之意仰答太宗所以為子孫無

疆

卷几十十十

火足の声を告 國) 之地利害未為甚重向者金使之來王倫之還具言金 而 從至於復河南故地雖官吏軍民復見太平官府為幸 但已惟陛下留神裁擇臣竊觀陛下屈已與金人講和 倫藍公佐奉迎比聞金人朝留倫而及公佐臣在遠 固不能 無所須索梓宮两宮所許甚確指日渡河朝廷乃遣 凋察之餘與敵接境猶未得真枕而臥也故復河南 以梓宫未即山陵两宫久闕大養孝思之切委曲 知曲折而道路之言以謂金人之留王倫 歴代名臣奏議 聽

四十四

首以為言其始許還梓宫今乃置而不論止以區區河 中 不 盡變前日之議且以還河南之地為大恩而責歲幣之 金人之用事者今既非主和議之人則和議之成與否 主 理揆之惟 數梓宫两官則未有還期道路之言雖未足信然臣 可知特以當遣使發的故未能盡發初議他日必以 和議之人皆因事就誅則前議之變理之必然也夫 凾 所不可行之事而為豐端矣其始不須歲幣今乃 一倫則可以盡及前日之議矣又聞金國 卷九十 前

金りせ

入といる

以展四體盡事大之禮乎向日賜許借使行人失解 議 慮 、こう: 凾 使命之煩擾也其議要約也若曰陛下甲解厚禮致恭 於大國大國遣使下部而還復其侵疆講信修睦之 南之地為大恩而責報馬他日之事固可見矣是宜長 之成非計之善也為今之計非可以其變詐而遽廢前 人延頭以俟梓宫两宫之還今既愆期上下觖望 亦當遣使避解且議要約且議歲幣徐為之謀不憚 却顧以為善後之圖若執一變因就獨縫僥倖萬 臣七名五民人 何 初 國

東南數十州歲幣安從出哉反覆議論必不得已而 銀定四庫全書 之則契丹之數亦不可過也然臣之欲使人往及議 遵 迎請之堅且急也必厚有邀求以散中國臣 人無由户曉也儻或未從緩而圖之蓋金人之意俟我 可辨今山東河北盡屬金國河南新 用前日契丹故事必使中國可行然後為善其議 也若曰國家全盛之時盡有河北山東膏腴之地 無以滿丘壑之欲也以至疆場之事必不得已亦當 人 疆瘡疾未寒而 恐中國 故 與

時 者 白 中 度外可也夫以陛下聖明天縱必洞照此理而臣愚過 聚備器械以為意外之備而和議之成與否且當置之 圆 秦槍為相和議成然猶以梓宫未還母后欽宗未復 惟是明部大臣激厲諸將拔擢偏禪簡閱士馬積財 知其進越惟陛下裁赦 而有噬臍之悔耳冒貢狂瞽出於愛君憂國之誠不 稍懼陛下孝悌之至亟欲梓宫两宫之還或墮敢 欲陛下戒以宏規敢人盛衰虚實徐察天意而為後 تعديد مران الدي الدي الروا المفه 計

存亡僧矍然 修德立政嚴於為備以我之仁敵彼之不仁以我之義 的侍從臺諫集議以聞禮部侍郎 歴代名臣奏議卷九十 病自消太陽升而陰自散不待屈已陛下之志 事大係安危開口今日不當就安危只當論 怒非在天之靈與太后 **議以我之戒懼敵彼之縣泰真積力久如元** 淵 曾開上疏器曰但當 聖所 望於陛下 者

欽定四庫全書

起れれる

欽定四庫全書

史部 歷代名臣奏議卷九十

編修臣養謙覆勘 詳校官檢討臣朱依昊 總校官編修臣王燕緒 校對官修撰臣吳錫於 膽録監生臣孫慰祖

耻否亦當按 次已日巨白馬 歷代名臣奏議 動搭此不為乃逐講和何 沒漢百姓肝腦 塗地天下 繁宜乗時掃清以雪國 即陳索上疏曰金 楊士奇等 撰

所裁自未淹歲及覆如此且割地通和則彼此各守封 益欲自為桿敝使之南窺豫每犯順率皆敗北金知 還河南地遂謂其有意於和臣以為不然且金之立豫 使索復言金每挾講和以售其姦謀論者因其廢劉豫 以豫為戒故指以歸我往歲金書當謂歲幣多寡聽 足恃從而廢之豈為我哉河南之地欲付之他人則必 以繁中原之望既而金人厚有所邀議久不決将再遣 可也而同州之橋至今存馬益金非可以義交而信

口压力量

卷九

模而能收效者臣紹興初首以是為言今七年矣往者 進臨大江退守吳會未养月而或進或却豈不為敵所 首彼遵和則吾之振飭武備不害為立國之常如其不 兵部侍郎張燾上言曰自昔有為之君未有不先定規 然決意恢復之圖勿循私曲之說天意名恊人心響應 結恐其假和好之說賜謬悠之辭也包藏徇心變出不 測願深鑒前轍益嚴戰守之備使人人激厲常若敵至 舉以成大煎則梓宫太后可還祖宗疆土可復矣 王うちと ろう

為說意謂割地講和而已陛下之所 復誤願以光定規模為急 母后已得宗族始可議通好經久之禮今彼特以通好 **蠢為吏部尚書上言曰陛下信王倫之虚詐發自聖斷** 窺乎今陛下相與斷國論者二三大臣而已一 不復謀議便欲行禮群臣震懼罔措必已得梓宫已得 十四命相執政逸遷無慮二十餘日月逝矣大計不容 言及之其情可見奈何遽欲屈而聽之一屈 願欲而切於聖心 一紀之間

欽定四庫全書

卷九十一奏韵

欺聽其言察其事則忠邪判爱民先爱其力寬民先節 妨賢之讒偷安尚容之佞市恩立威之姦懷讒罔上之 當威之以法而限之以爵命講讀之臣取累朝訓典及 罪於天下萬世 後不可復伸廷臣莫能正救自魯仲連之不如豈不獲 下為度進圖洪業恢復土宇勿茍安於東南駕御諸将 一代漢唐中與故事日陳于前以神聖學又監觀傷善 明殿學士權邦彦獻十議以圖中與大略謂宜以天

宜 吏部員外郎廖剛奏曰臣伏見廟堂近因江南探報 宜令沿江州縣各備境內總以漕即 偏 左右人事盡則天悔福不可獨歸之數 有人望可以濟艱難賛密勿留宿衛者願求其人置 至采石京口委任得人乃防秋上策宗室中豈無傑然 其用版已奉以佐國當自執政始分間 煩懷疑應謀盡方深臣輕有愚見仰瀆聖聽伏 **神之所能為必得賢臣大将然後可制置** 上自荆鄂江池 而属大事類 官可省 兆

欽定

四庫全書

卷月 九片

十一年 司

飲定四車全書 亦在審其緩急而已何謂所當急周防要害之津申 責者故未見端倪而遽為遷徙之謀臣竊謂動静之間 顧豈不足恃邪羣臣往往以維楊之事為戒無敢任其 彼之窮處也聖徳日齊人心爱戴天之眷佑斷可識矣 非若彼之寡弱也此有重江之阻重兵又當其前非者 卒能戡定暴亂恢復大業今吾甲兵猶可以決戰取勝 地當未此十萬之師危好極矣惟人心未去出死者衆 應代名臣奏議

擇臣當考唐德宗之在奉天徒以飢羸之卒守

者 揮 天之不可升萬萬無窺何之理然後可此為事體最重 顀 南 如 斥堠之法重賞必罰使之疾於飛鳥此為事機最要者 水嘉與福唐所當留意永嘉之險可恃與否臣所 閩之四境三面皆重山峻嶺稍加人力不復可 顀可緩邪 則大海形勢之勝殆是天設永嘉固順便若論遠 此臣所未諭也建康都陽勢未暇議自會稽而南惟 可緩邪靈與或須順動則所幸之地 而自得報以來未聞朝廷有急切措畫指 預當經理使 不 如

分りて

ノニー

卷九十

多是乗時若非事勢有大急迫詎可輕動臣碩陛下 |恐多不知也臣碩速降指揮下本路增修寒栅以備 有安危之機乎今所在民物凋弊不堪重擾盜賊竊發 宣德音使潢池赤子得以自新彼且感思激義悉為我 時之巡所有盜賊未息臣碩曲賜赦宥因遣一重臣往 故古人有言利不百不變法功不十不易器又況動而 用大抵閩之風俗重義尚氣君臣父子之心錐為盜而 不變此臣所知也何謂所當緩易曰吉凶悔吝生乎動

沙足四草 白馬

歷代名臣奏議

五

伏望聖慈姑寬憂念以慰天下臣前所陳固輕下策 虞淵乎雖然臣愚竊料今歲敵騎勢分必無南渡之事 矣然後恢復之計徐可圖也将臣相臣經界四國少須 亦環駐於鄰境閩人無所困苦則宗社所寄安於泰山 如孝子操瞋眩之樂厥疾已瘳無所用之則志願得矣 有成進撫中原正位布命如日麗天亦何傷於往者 闦 而審處之期於不失機會而已有如不得已而至於 則凡供億之事必責他路致於海上而出戰之兵

金グロ

人公司

既除士氣振避而不驕兵食給足而不乏事之如是時 穹悔裥神賛令圖敵人之來侵者既逍盜賊之竊發者 常以事觀之時者天之所為也事者人之所為也事之 不及視其事之所在則知時之所可而天之所與也上 **未至先時而起其失也過事之已至後時而縮其失也** 功則天也聖人之順乎天常以時觀之聖人之因乎時 周林上奏曰孟子曰君子創業垂統為可繼也若夫成 惟聖慈祭其區區幸甚

飲定四車全書

進代名臣奏説

服 皇帝市不易肆而得天下太宗繼之四方僭偽不勞而 竭 右 平治天下之意不勝幸甚 明乗時競辰應機而作中與之功指日可待以副上天 理觀之天之眷宋未有艾也何則祖宗之德澤在人未 真宗仁宗視民如傷屈意和我以安亦子不殺之德 正言陳淵奏曰天命雖周公不敢知然今日之事 占矣傳曰時哉不可失伏願陛下奮乾之剛發 Hŋ. 民之戴宋無有館已故也臣請試言之昔我太祖 離

きりて

入人心髓後更五世以至今日中間姦臣繼執國命百 聖者無所不至及其奉陛下為大元帥莫有阻遏之 天意也當是時大臣如耿南仲之徒尚可以獻疑於淵 窮乎觀民之從違則天意可得而知矣方淵聖入繼大 室遽爾敗壞遂至於不可支持者未有酷於此時然民 統雖兄弟之間不能無疑而獨於陛下親厚此有以見 心猶未離也豈非祖宗德澤在人未竭而民之戴宋無 征徭無所指其手足故遠裔得以侵侮中國自古王

次足四車全書 ~

雅代名臣奏議

其責亦不輕若二聖未歸宗社未復天下未一金人之 意以追復祖宗之舊而已盖天之所以付陛下甚重而 北之行未果敢已大入方圖引還而二聖遠符皇族 陛 而宗廟社稷賴陛下復存此又有以見天意也天留陛 外莫不扈駕以往而陛下適遠父兄之側故王室陵夷 未報則祖宗之 下雖欲不去京城不可得也此又有以見天意也使 以與我宋其意之篤益如此當此之時但當欽承天 U Ā 7 業因循而不復振而陛下之責亦 巷 'n 内

欽定四庫全書 窮遠畧則鼠竊狗偷近生肘腋亦足以牽制我矣故當 能 先静其内然後外 一勢觀之盖有未能處如陛下所 次及江東西湖南北之 盖為是爾往者朝廷當命宰執副以大将先由福 之間與夫園廣之窓尚為內患故也夫歸二聖復 塞矣此宜朝夕黽勉坐新當膽而以為憂然以令 天下以報金人之仇而內患不除若出師北向 亂可拜也諸葛亮必擒孟獲然後 尽九十一奏議 盗盖有意先平内患也臣 欲者盖大江之南 出 荆 いえ Ð

章 澒 鞭 謂 欲 而 撻 誼 使 關防有 不寧 既 經 敢 上奏曰 有 久 之以爱民為本豈獨施於內 必須裂其隊伍 帖 理 以平之必圖所以守之慎 人而臣之 須可行臣詢 錐 所未至者一 臣聞 重兵彈壓将臣指置固已別無他虞然事 近日諸 亦可也 也又行在諸 易其将佐異其居處今新 之衆論 軍 有 謂其說 招 安到 而 擇守令母 軍月糧口食料 已哉錐削平借 諸處頭 有三盖自來招 枸 項 以常 招 馬 亂

飲定四車全對 益廣是以不能安處其屯泊暫成之地有可議者三 倍用之費即有警急朝召而夕至必無闕事今新招 食錢並從 近便去處時暫駐割則士卒新獨日資之物決無高價 物價高下比之越土大段不同並無戍卒若分就錢塘 升半別無衣食自營之資迫於老幼餬口之計其撫養 存恤有所未盡者二也朝廷旁近郡如錢塘溫明等處 放縱既外乍從儉約已自不堪加之百物踴貴日 一例今新招之人日支食錢百錢省口食二 雅代名臣奏議 之 用

策關國殭兵出死力抗勍 誼 大臣俾之居守然後親御六飛練兵選将巡荆楚之 艱難實同創業中外臣子豈無英才肯為陛下圖事揆 臣伏望聖終速與大臣商量經畫此三事者以安反 鋸積下終不能禁其潰亂之心何敢望其征役 重誰聽誰受陛下何不定都東南深固根本擇 勝大幸若使之迫於飢窮令其愁苦雖法制 又上奏曰臣竊觀陛下繼承大統 敵者乎雖有此人陛下深居 號稱中與而險 之用 日嚴 哉 側 且 Ŋ

11.1.1.1

卷九

+

盖執事者未之思也臣不勝區區之願 春秋鼎盛之時鬱鬱於此而不無収羣策成馬上之功 武節則深謀至計奇材猛士将雲集而景附矣方陛下 用關陝之聚結羌夷之數引蜀漢之利攘却撫綏以見 欽定四庫全書 數平時虚費錢粮復邀搞設将來明堂大禮決須恐迫 誼又上奏曰臣竊見國家軍兵之散在州郡者不可勝 目之所剽聞者可舉而言也自來大禮未有藩鎮令藩 郡希望給賜朝廷若不預行措置必生變亂以臣耳 歴代名臣奏説

盗 此 者将來軍兵賜予之物取辦於本鎮乎仰 朝 帥之安於本鎮者與州郡一等其軍兵之數給予 物其誰 於徽 賊 其可慮者一 孔彦舟錐罷鎮撫而所 廷不必措置也若夫藩即之被兵而素仰 則有恭順之名謂之将帥則無攻守之效或屯 111 辨之此 劉 綱寓次合於溧水四人者将來軍兵賜 也張用已降指揮 其可處者二也自餘統兵之官 領部 曲實在湖南岳飛留老 鎮撫舒靳 給於朝 而未能就 給於縣官 謂 廷 Ž, 予

應者四也四者之外州郡各有隷将不隸将禁軍與夫 應副已自費力将來軍兵賜予之物其誰辦之此其可 兵賜予之物其誰辨之此其可愿者三也朝廷大帥 吕頤浩劉光世張俊辛企宗所統之衆見今有司經營 紹先之在江西大者有衆數萬小者不下數千将來軍 江吳全之在洪府張忠彦之在吉州韓京之在茶陵劉 信宣如韓世清之在宣城部青之在太平楊勍之在臨 州或據縣鎮尺籍伍符不登於樞府列營移成不由於

飲定四車全書

歷代名臣奏議

本 當為獲却恢復之圖以振大業然金人界歲南侵朝 侵陵官吏而為變若非朝廷預有措置深恐臨時別有 其境上者何以給之與之則虚張軍數而難周不與 郡 路 競伏望睿明深記執政大臣早賜經畫 又奏曰臣竊惟 軍府軍又復不住招刺以填關額自來大禮運司 各有椿辦僅能免責令者在處官司往往空置将來 本州軍兵賜子之物縱能辦集而前項軍兵之寓 朝廷暫駐江左以避金人益非 得 州

所從 欽定四庫全書 過 而斥埃不明金人奄至卒以奔走踰江而東此宰相 下也項歲駐跟楊州是時陛下有兵數十萬可以一 者不可該來者猶可追不知陛下今年守戰之策 也前歲移即建康是時兵練将勇食足財豐據長 與意金人未至先已奔走遵海而南此宰相之過 測之險當敵人疑懼之秋可以守矣而舟師不設 出執政大臣誰為陛下任此事者陛下幸守東 ____ 歷代名臣奏 説 一戰 Z 江 安 b

亦界歲奔走此豈金人計數之得哉盖謀國之臣

誤陛

臣愚以 用 自 資 委陛下之府庫脱身奔走此豈安國家定社稷之 乗 事起倉猝大臣復欲弃陛下之土疆遺陛下之人 此時講 固根本瞰臨江海憑據險阻兵将不之糧賦未置不 衛之資有粮賦 郡縣防守之力有兵将則必駕馭馴擾不可為将 四者各付能臣分路自 謂 明守戰之策外遏敵人之侵而僥倖無警萬 有江海則必資舟概戰守之具有險阻 則 必漕運轉輸不可為盜賊侵 辨然後陛下親 帥 助兵健 據 則 帥 必

然後守位以仁故無敵於天下今智能籌略之士或上 屈羣策以為智合衆力以為疆因山川之險阻以為固 一誼又奏曰臣竊觀自古創業之君與夫中與之主必能 望聖主考古驗今委任大臣早賜措畫不勝大幸 於東晉曹操對於全具當是之時江東之勢何如哉伏 之師必不盛於行秦金人之謀亦不踰於曹操行秦敗

宅中指授分遣信使往來督察重賞以勘功嚴罰以懲

罪其誰敢不用命哉若以江左地狹不足有為則金人

次定四車全書

歷代名臣奏議

勢 有 言此制敵所以無策也今中原錐失而淮甸江東戶口 章公車或侍從交薦陛下固當官使之矣未聞試 百萬多力敢 内侵之勢日版月削何時已乎陛下誠能奮乾 重號稱中與實同創業專用太王去郊之仁以當金 所以不彊也水有江海之險而樓船戰士城師沒人 肵 理此山川 不具陸有山林之阻而民兵土豪地形阨塞無人 之險 死之士不可勝數陛下不合而用之此國 阻所 ンス 不足恃也陛下承累聖付 剛 用 其 託

ほり

7. /: --

老九

-}-

久三司戶 二十 觀之多難之世事有守正而危從權而安者矣臣竊 帝得其機少游聞之果不自安即羞悸上表請償由是 悉脅取之度支使蠟表以聞時個難煽結帝未能制 日少游國守臣取度支財防他盗耳庸何傷遠近咸 羣策合衆力因山川之險阻且戰且守止向而收天下 誼又奏曰臣聞唐德宗幸奉天两稅度支使包吉寓揚 則金人不足滅也惟陛下財幸 儲財賦八百萬編将輸京師而淮南節度使陳少游 歷代名臣奏議 十四一

節 鄂 又 兩 復馬進之兵相 制 路之境 撫 渚尚以 明 制之言滕膺奏陳有耆老借留之 處 至今不 白 朝 置使司属官李允文挟降将 張 廷既得其情 **報用便宜擅更守字虚張戰功覬冒官賞** 敢之官 揮深恐人情別生向背 用不肯放 堂咫尺斯黄之盜止隔 如 , 俾之歸 此 行為解近者張用騰表有 則鄂州但留假守 司恩慎厚矣允文 請高衛懼其豪暴 設使別授守 張用之兵擾 未 水 有 若 徘 顛 朝 帥 聽 湖 徊 廷 臣

众

四月全書

卷儿

+

大幸 武義大夫曹助論 |執商度容此小 贼 須 煽 悟 之會豈不以少将 結 闚 淮陰假王之請躡足行封卒定帝業臣觀今日祖難 不減於 何之意此正安危之幾所宜審訂之日也皆漢 有唐而陛下 醜俯徇 和戰 淮陰為念哉伏望少留聖慮更與宰 鄂 **割子曰臣竊惟天下大器宗廟** 恢宏大度同符於漢祖投機 州士庶所請徐為後圖不勝 祖

遷延日月内不足以安張用反側之心外無以杜

盗

炎巴马軍在馬

歷代名臣奏議

五

害 天下大器定於不傾宗廟社稷隆於聲固四海生齒 則] 國是者天之所 輯寧錐 和先後緩急不容無 國伯嘗武之說可為寒心者也 稷大計四海生齒大本皆繫於國之安危在今日 不出於和戰之間議國事者當先審所尚而定國 之論僥倖於萬一名曰嘗試之說天下之 必世百年守之不易可也不審所尚而逐 與時也時之所行事也當戰則戰當 一定之論必措國於至安然 且國之安危與已之 禍莫大於 是 利 紛 保

金公口人人

卷九

+

則人朋而隨之者多譽之者亦多其心非一一明乎戰 之進退得失為心則必以人之毀譽好惡為重彼以 無害於已之進盖和亦不可忘戰是今日之言與他 今日言之譽之者必多固無害於已之進他日雖和 有以勝之道也特以謂主戰者不失為尊主強國之 足四華全書 之毀譽好惡與其已之進退得失實相妨也故言戰 歷代名臣奏議 ナナ E

何損何益人臣而能辨此然後可以議國事尚惟以

退得失孰輕孰重已之進退得失與人之毀譽好惡

若言戰之兩無害於已之進也而當和 言 日 i C 之 不 之言皆無害於已之進而當戰與不當戰於國之安危 安危 之 禾口 問 惟 固不 己之 也言和則皆睥睨 風俗紛紜之論所 亦 以己之進 妨 進豈不大為害乎二者皆不以國之安危為 不問也沉言和則主戰者惡之惡之則 已之進一旦有異馬則 退為心以人之毀譽好惡為心此今 而 自 不 起也陛下所與圖回天 敢隨者以 必大得罪而去 與不當和 和難保也今 毀 於 至 國 不 Ð

λ

|飲定四車全書 |人 臣所謂以國伯嘗試之說可謂寒心者也上天崇正統 所見往往惑於尊主強國之言而求免乎甲主弱國之 爵厚禄而小人之虚譽愈歸之主和者亦不知固執其 堂之上主戰者陽為尊主強國之言以收小人之虛譽 務進則迎合主意退則雷同衆人所謂國是果安在哉 竊議於陛下以弱國騰謗於同列浩然引去亦不失髙 其中未必真有善善之策也陛下不用其言則以拒 過宰執數人而紛紜之論亦足以眩數人之聽是以廟 歴代名臣奏議

欺天 弱 将以光大久長於其後故周旋調護成此安定之期若曰 謀 則 可乎春 憚征繕以立圉 紅之 可以圖 能無病能不諱病則可以全身國不能無弱能 恐未易致是臣不得 國保 論 固 秋時日甥為王城之盟謂秦伯 強弱而為強自欺 而 祖宗積累之基純佑陛下之聖徳春命徵 不知所分也臣聞強弱異勢不可期 君子則不然曰此報德有死無貳 不辨者惜天意與陛下聖德 可也欺 人可乎欺人可 曰晉國之 不諱 也

兵起錯乃居守而勸景帝親征又方與調兵食身斬東市 以十萬横行匈奴季布曰噜可斬晁錯發七國之難吳楚 能逃陛下聖鑒則陛下刑賞行矣單于嫚侮議兵樊會請 之論如晉君子之言乎抑皆晉小人之言乎君子小人 使人臣之謀皆如晉之君子國何患哉陛下察今日紛 則言弱能不諱弱則足以養強也能養強則足以成強力 歸晉侯而成盟國復強晉君子可謂能審所尚也方其弱 不

而不定廢而不立以徳為怨秦必不然秦伯曰是吾心也

一致定四庫全書

胜代名臣奏議

衆者衆之所為凶德已極自求徇 勝 天前日之事也天之於人徇終不悔乎其報 IJ 2 行 誤國矣亦不加罪馬孰不以當武之說售其身乎其言 **表盡私意也人臣自為紛紜進說而不** 所為山德已極徇 天天定亦能勝人臣解之曰袖 事非 又無所 前日之比 加罪 是以 者以天定故也申包胥曰人衆 必自至天不能庇故曰人衆 肆 為 紛紜而 者也天豈樂梅 福無不自己求 無所憚也臣觀 可用 已極復 不か 乎 者 罪 さ 今 者 圖

連即取之由是南北舉安知天定而不敢為不定天祐 帝得關中棄而不守知赫連之公來也宋武棄關中 之勇過於行堅乎天定而堅欲以人勝自取徇也宋武 卒不能成功者天定也苻堅為江左之舉以百萬之師 中原之臣如劉琨祖巡庾曩桓温之徒皆可以有立而 之事也臣請以東晉宋武帝驗之東晉之渡江也謀復 安寧是為天定人何以勝之故曰天定亦能勝人今日 敗於部玄劉牢之身死國亡計不旋踵豈謝玄劉牢 赫

民之の事全書 一

歷代名臣奏議

守邊不動為長久之計則敵保安之策也我欲求安難 意不可不定君臣之意定則天下自定定不定福福如 特保安而已因得自治馬則千百之安在我也臣之所 於保安者恃敵不動則我保安之策也彼既不動我非 彼之明可不畏哉今陛下與腹心大臣酌天意之大定 之論崇虚名而今國受實徇乎敵欲求安易於保安者 斷國是以今日已有成策已見定效尚可復容紛.

之也故天定則人主之意不可不定主意定則人臣之

巷 れ +

定之計大計已定斷然無疑非狗一已之見也而千 者矣臣不勝至願 動行四時之信令則陛下之所欲為者自是無不可為 望於陛下者此也萬一為紛紜之論所惑以蹈至危則 人之說莫能搖非尚一時之利也而數百世之議莫能 中書舍人周麟之論守應之策曰臣聞為國者必有一 母忍臣言奉二儀之無私揭日月之大明聲山嶽之不 臣所望於陛下者未易就也此臣之所甚憂也願陛下

次 之 四車全書

歷代名臣奏議

宇

言惑厲有所憤戚有所憂此其常態耳未至於大害治 者乃紛紛而不 賢聖大有為之君建功立事類如此仰惟皇帝陛下察 乎天道所操執者彌固則所成就者愈大古所謂聰 審而通乎事機所持者要而當乎人情所言者順而合 易此其為利害亦豈必天知神略而後知之惟所見者 之宣光比立國於此固自有一定之計而近之言時事 如虞幹憂勤如文王總攬權綱綜核名實則又與漢 軍旅之言属問卷之言戚士大夫之 明

ヨグロノ

次足四車全書 東朝安矣赤子休息矣成功著見昭昭可知陛下方 喜功也諱兵而不言是偷安也自講和以來九廟寧矣 也銳者言兵而欲用怠者諱兵而不言言兵而欲用是 也惟惑之為害盖有不可勝言者此無它銳與怠之謂 暇脩明政刑振舉綱紀簡練将士此不可一日忘者陛 慎遣重臣厚将信幣以堅永好以釋羣疑而汨之以喜 下方且頒明 功之說其可乎渝盟弃好陛下之所不為也當朝廷閒 詔飭庶工懲緘默之風草驕怠之弊欲 Į 歷代名臣奏議 主... Ð

家固其垣壩常人之所及也若曰吾與親黨為鄰 信睦交通不能廢吾之所以守在彼者不測者也惟其 者在我應之者在彼在我者有常者也惟其有常則錐 思所以守自治之謂也思所以應不得已之謂也守之 言而盡之耳當無事則思所以守有不虞則思所 傾 测] 陛下之所不取也如臣所見粗有確論曰守曰應兩 相與協濟國是而委之於偷安之說又可乎視漏 則 錐事發猝至不能逃吾之所以應今夫千金之 以應 冬」

巷

飲定四車全書 者 荷戈而逐孺子之所 害也至慢易其固守之具而弗之理豈不備它盜哉所 治 户今此下民或敢侮予孔子曰為此詩者其知道乎能 亂誅暴謂之義兵兵義者王敵加於己不得已 其國家誰敢侮之此言自治之為可畏也獸 自治者如此詩曰追天之未陰雨徹彼桑土綢繆牖 如此漢元康中乘匈奴之我議欲擊之 也而戰且噬人矣雖欲不逐其能安乎所 Q 知也若曰吾将委肉而飼之不 雁代名 臣奏議 魏 謂不 相不 踩 得 可 于 而 Ð 曰

於民蓄材俊廣儲時敦本而 能守者能應之道也守之無不固則應之無不勝 之方察士卒之勤惰而求養用之實凡可以為守國之 您 者败 既 一於信振威令以致其嚴考将師之能否而為摩 調善之善者理固如此臣碩陛下增修德政厚施 固則銷盟折衝人莫予侮且将 非但人事乃天道也亦言應敵之不得已 抑 未去華而務實明賞 無敵之可應馬昔 也益 矣 守 勵

之應兵兵應者勝爭恨小故

不忍愤怒謂之忿兵兵

飲定四華全書 而難 自信而已矣書曰人心惟危道心惟微惟精惟一九 應敵之機不可以豫言惟在陛下力行之心識之執中 為之掎角孰為之統一凡可以為應敵之機者靡不素 近視道途之險易孰當其阻孰當其衝孰為之聲援 厭中夫人心危而易動易動者浮言之所以與道心微 而點論 知難 知者至理之所以隱君人者不過屏衆多之 如此應無不勝矣守國之具皆可以熟議而 歷代名臣奏議

具者靡不恢張而偏舉如此守無不固矣度山川之遠

提縣成都路刑獄公事馮當可上書曰臣竊以陛下臨 旭 鰤 之治天下相傳以一道不外乎此數語者伏望陛下齊 應致精一之思執中自信則聖人之能事**畢矣堯舜禹** 世之遠莫能易徵諸人事質諸神明臣之斯言庶或無 而母感於喜功偷安之說則千萬人之衆莫能搖數百 以來遭時多艱再造宗社不憚屈己修好息民然謙 惟陛下留神省察天下幸甚 不移操一定之計圖守應之策以為執中自信之道

飲定四車全書 起此舉事以著其強形之一端也且君為元首所以 感動中外願與社稷俱為存亡天下聞之孰不投於 形 為 猛濟弱以強猶救火必以水救寒必以温不得不然善 先天下鼓動萬化自古未有人主退而能使天下進 損遇中寝成早弱弱形著見然後强敵生心夫濟寬以 也當赫然慨憤移躍建康示天下有為下罪已之 見則弱形銷矣陛下審知敵盟之必敗也兵必不 强者先強其志意志意強然後舉事以著其强形 N L. C. 名臣奏議 三 率 而 強 謟 可

蜀王欽若勸幸江南惟冠準決策親征國家太平之基 氣百倍何所往而不可告真皇澶淵之役陳堯咨勘 有 無復可往之地福建二廣陛下可到彼亦可到蜀雖 戰再定當時果幸蜀果幸江南則靖康建炎之事已 怯而能使天下勇惟陛下勵其強志著其強形赫 .形勢迫促如鼠入牛角必不能久今匹夫舉措猶 此時矣令之形勝又不比全威之時車駕已在江南 | 怒安天下之心忠臣義士無不感應人心一奮士 幸

钦定四車全書 略審其虚實以備陛下詢採大江數千里諸軍屯營不 故莫測将士觀望忠義之氣沮丧散而為盗賊大事去 先死敵萬萬相遠又沿江備禦朝廷雖已措置然尚 矣其與移蹕建康使天下增氣皆憤然此向為陛下争 吉 **政臣自蜀出峡凡有兵将所** 力甚弱雖添循漸萬率不帶家口日 凶悔吝由動而生何況萬乗而不深思一 不能盡言始以 Ņ 湖 北言之荆南鄂渚上流要街荆 歷代名臣奏説 在少親見其人問其策 夜 思歸統制 動之間變 多 官

援 出 師 用 中部曲今自為一軍 敵得水口塞之可以灌城決之可以攻城李宏本 伏李宏節制無事之時猶慮變出不 及今有事豈不自知度其心亦願退避終保富貴 田師中又老且病借有忠義之心已不能躬樣 入戎行矣然則 "其戰守之方惟恃壅水護城水口在城外與敵 和 とつず 静 無所事高堂大厦玉帛子 上流要地已不可 嶅 田師中疾之恐緩急必不 Ħ + ·保被田 測緩急豈能為 女富貴安供 師中 者 相 甲 胄 為 田

急擇文武大臣有威望眾所畏信者属一人於判襄属 擊搏攫拏屈伸如意令敵使既還恐兵端便開望陛下 易之上流之地可恃以保而田師中亦必街荷聖恩矣 兵家之常萬一小跌搖動諸軍今使之總統諸将諸 難於自言惟陛下急擇忠勇壮健如李宏李顯中之徒 又沿流諸軍無所總統譬如有指無臂筋骨脫落安能 用之矣然猶有說借其譽望不當便置之前行勝 人於江淮有威望衆所畏服莫如張浚劉錡則陸 負

決定四年全等 ~

歷代名臣族議

车六

嘗誤陛下事陛下不以為賢然方今天下皆以為當用 日 自當前 力軍與已來三十餘年賦敛煩重民之津脉竭矣蜀 夜跂 深察之兵不徒用必資財賦財賦 張沒憂患頓挫更歷者老已無少年輕 陛下捨一己之好惡以天下為心勉用張浚以副 一日之間決能使軍民回心踴躍鼓舞其效亦 踵 列錡獨任指 願陛下用之孟子曰國人皆曰賢然後察 蹤利害差遠亦致重之道也張 非 自天降出於 銃之氣 惟 ٦E 浚 民 17-

Ú

1111

卷九

征 之費以佐軍用自古克濟艱難未當不由恭儉勤勞監 諸軍之費月給一月常懼不總一旦用兵費必十倍國 無所藏民不可取惟陛下痛自導節惡衣非食報內庭 奪負商小買至有棄舟逃遁者長江上下人不敢行臣 不知福建二廣然以此較必不能獨豐裕也平居無事 稅所在稅務持弓挟天要遮船舫名曰征商其實劫 歷代名臣奏議

火足の車を馬

二年之

冠昏丧祭之禮盡廢風俗急迫愁嘆無聊荆湖盗賊正

畫攻每野薪條州縣上供月捧無所從出往往多仰

省官吏減州 卿 銳之夫豈不知感激奮勵指其驅以報陛下者內而 金厂 錐 財 下誠能至誠克已蠲損切身之奉以養戰士自被堅 大臣外 用 以身也兵有衆寡擇将統臨整齊 使分其家財之半以佐 應辦州 在今日最為難事版曹司會計之臣當日夜精 郡冗卒充守倅白直之外 而 郡冗卒精核當否無一毫妄費者庶或可 監司郡守下而富商鉅賈州縣無并之家 軍 用亦将甘心誠以陛下率 訓練春月可 無所用一 路 振惟 執 思 公

V

たんごう

巷 れ

+

宜應變願陛下疎遠閱寺絕去便佞使私意無所 毫釐利害立見惟人主清心静處公聽遠覧然後能 當有為而不為當速而緩與當緩而速 欽定四庫全書 難 雏 一麼事然則官亦可省矣必官闕而事廢乃可建置然 司 之際圖 從省併自不廢事大抵精微會計委曲周旋必不 百姓然後根本不搖此今日之大務也又人主當親 凡三四員問有關官止一員而無數職者略不 回事功聽言用謀當聽而不聽當用而 歷代名臣奏議. 如發機 字(括差 闡 不 隨 用 取 則 有

騎往來循撫諸軍江淮荆襄無有定處使敵莫能 命大臣留守宫闕陛下如建炎之初馬上從事以數 者也今日之所當為者必能以次而舉無不切當然 末事也非事之本也惟陛下遠便佞 同 取 臨事變此典事造業之根本洪範所謂皇建其有 卒用 **舍無所熒惑專** 心戮力共濟大事臣前所言望陛下移興建康選 張浚劉錡總統諸軍節用損己以充軍貴餘 誠意與賢士大夫骨無謀議之臣 **疎近習清心寡** 、皆 将 後 欲 極

欽定四軍全書 少口 長江巨澤地利在我何所畏哉然今日之事誠急迫矣 必有大措置一新天下耳目旬日之間寂然無聞臣 勝 誠 廟堂之議猶欲遣使祈請冀和議可以遷延以臣 而斃之者陛下有半天下带甲三十萬非奮空拳者 救焚極消須更不及便繫存亡臣料敵使既還朝 得天下之心其實強驅而南陛下與之抗衡不必大 粗足支敵一二年間彼雾隙自開幽熱两河當有起 雖未及戰敢已知畏矣夫敢人雖強其強易弱 · S 歷代名臣奏議 主九 那 又 非

之養天下幾年不見六草不可謂無得於講和然 興 都其實意欲自臨行陣雖千百祈請徒自貼羞決不 回今年未動不過明年幸其早動陛下 屈巴之意其後太上梓宫歸葵中華太母還就東 不以臣為疎遠微賤與之反覆數四至煩聖喻 綱 無此理三年前敵焚權場南牧之計已定矣雖云 八年曾蒙陛下召對是時適敵使請 猶能及事其動愈運則徇愈大不可及也臣於 和 恐 臣以為 爠 脩 省整 疑 為 能 遷 朝 坚 頓 絽

他盗今方且肆赦中外褒寵将即以為休兵息民自此 矣而因循無備之可畏異議不息非所患異議息矣而 語言無次干冒度嚴罪當萬死惟陛下裁赦 適欲敗盟臣又以其狂愚冒瀆聖聰望陛下特垂聖覧 上下相蒙之可畏金雖通和疆揚之上宜各戒嚴以 秘書省正字汪應辰上疏曰和議不諧非所患和議諮 採而用之無使狂瞽之言又驗於異日也臣被病昏塞 善其後臣之愚言猶有驗於今日臣今又被名首敵人

欧定四車全書

歷代名臣奏議

ニナ

間 之至疏奏秦槍大不悅 無備之所以可畏也方朝廷力排產議之初大則寫逐 應辰為戶部侍郎應詔言事曰臣準尚書省劉子三省 小則罷熟至有一言迎合則不次程用是以小人窺見 正士乃無以自立於羣小之間 而 **心** 臣 頭 隙 始 輕躁者阿諛以希寵畏懦者循點以備 縱忘積年之耻獨不思其時意外之患乎此因循 勿以和好之可無虞而思患預防常若敵 此上下相蒙之所 位 而忠 可 臣

†

聖而博盡群臣之謀天下幸甚盖自近日以來傳報不 意勤篤陛下方且不自暇逸而預為防秋之備不自賢 有長策可令臺諫侍從各以所見條具聞奏者臣伏見 樞密院同奉聖古以防秋不遠事貴預倘足食足兵宜 於**定**四車全書 以為急於和親欲復還河南地者或以為彼方厚立賞 上天助順元惡珍滅其主 新立畏天之威遣使通和辭 ,或以為其主 寬厚能得東者或以為懦弱不立者或 以勸戰士如唐敬陳蔡之類失而復取其志益未 歷代名臣奏議 É

卒以亡國然則敵人雖盛未足為我之患也晉之謀 盛我顧吾自治如何爾東晉之季符堅以百萬之師 實古今通患實在於此要之為國計者不當問敵國之 告漢光武初定天下臧官馬武皆以匈奴衰亂時不可 有吾其左衽之歎至於淝水之戰屬聚奔潰首尾不支 者或以為河朔羣盗擾其南而契丹之遺種攻其北 失光武答以北敵尚疆而屯田微備傳聞之事常多失 之威長驅入寇自謂投鞭於江足衙其流晉人懔懔 者 戰

t.

當食租衣稅然漢文景之盛或賜民田租之半或盡除 次 足四華全書 之或三十稅 者皆自治之要也臣請先言足食之說昔人以為縣官 一盛我顧吾自治如何爾今詔古以足食足兵為慮此 則敵人雖我未必為我之福也臣故曰不當問敵國之 容而道子元顯之流出而用事晉之不振實自此始 皆欲乗行氏敗亡開拓中原王師 之地然而君臣宴安無復顧處以謝安之熟勞猶不見 一武帝征伐四方窮極奢侈於是有鹽 歷代名臣奏議 一出盡得兖青徐豫 Ī 然、

餘萬緣今則歲収二百四十萬矣世固未有善理財之 計之歲以一千三百四十萬貞元八年權茶歲得四十 歲總四十萬緝至大歷末乃六百餘萬天下之賦鹽 兩 居半宫闡服御軍鎮百官禄俸皆仰給馬今止以淮 者今皆不能易矣然劉晏號為善權題其始至也題 至德宗用楊炎之說盡取軍與以來暴斂橫賦合而 酒 稅又用張滂之說始有茶禁凡漢唐之所 酤之禁昭帝即位一切罷之至於後世或用或否 卷九 征取權禁 浙 利 為

手

ゲ

V

とと言

۲

農無經旬之儲至於仰貽宵旰之處此其故何也臣當 否乎至於其他所取名色很眾曰經制曰總制曰無額 之盛皆所不及也宜其財聚於上不可勝用矣而大司 **税而不翅也然則今日利入之厚漢唐之時與吾祖宗** 大軍月椿曰縣軍酒息曰雜本總其所得又十倍於两 上供曰折帛曰州郡寬剌曰僧道免丁曰寺觀寬剌曰 謂取之多則宜有餘而或以不足取之寡則宜不 也獨不知劉晏復生其於今日財利尚能有所增

次已日早日日

.

歷代名臣奏説

圭

之初政為率則其間所當裁節者固不少矣仁宗至和 紹興之初其多已增倍矣臣不敢遠引前古姑以陛下 南盡除它名之稅免屬州負連之緣錢二百萬而公藏 酤 有節也今日財賦自其外而言之左藏一歲所出比 私蓄上下與足由此觀之不在乎取之多而在乎用之 天下之財而用度常不繼唐王仲舒觀察江西奏罷惟 而或以有餘以文景輕徭薄賦而貫朽栗陳以武帝 錢九十萬既三年錢餘於庫栗餘於康孔幾節度衛 於

金分口屋台書

卷九十

爾又自用兵以來中外争言便宜往往多出於希功徼 減省惟是軍旅之用日以增廣因循浸久遂為成例 於陛下也凡百官有司浮冗之費可以參酌舊制一切 聖中官吏兵數與天下賦入之數斟酌損益立為條章 旦更章固亦未易然而賞典之冗濫獨不可以甄別乎 中諫官范鎮乞明詔中書樞密大臣考求祖宗朝及天 尺籍之偽胃獨不可以考覈乎此特在陛下指麾之間 上下遵守則國用有常而民力有餘矣此亦微臣所望

钦定四車全書 、

歷代召员奏議

幾無輕舉妄費之失矣雖然此特言其外者而已至於 擇而從之如漢宣帝使公卿議屯田利害反復詳盡底 幾矣況其事行之初議者固疑其有不可故臣領朝廷 之上有所與為與衆共之使可否之論畢陳於前然後 無成功衆議沸騰以為大各今所謂十八萬緣不知 用 粮器械一皆取足於朝廷曾無毫疑之效亦莫知其 幸之意如措置營田如結集民兵如招納歸附之類 也熙寧間韓絳以大臣宣撫陕西所費十八萬編終 鈍 其

財 問與供報者皆坐之中外之人不知 自紹與十三年始記內庫不隸户部太府有司報敢 奉宸庫則隷于太府所以示天子至公無內外之具 其頒財則以式法授之而式貢之餘財則以共玩好之 要不出乎式也太府掌九賦九功之貳受其貨賄之 内府之財則有非外廷所知者周官太宰以九式均節 用元豐更定官制以金部左藏案主行內藏之出納 用有匪領之式好用之式然則王之用度雖曰不會 所以然者何也 會 而

次已日東白馬

歷代名臣奏議

玉五

供奉冗食無用之人或雖澄汰而未盡也今陛下恭儉 士暴露備邊攜師抬軍市馬率從中出此豈以多藏為 樂 皆出於天性官掖使令既已不備又從而出之教坊音 詞異說無所不有臣竊觀陛下清心省事仁民爱物 而失於搏節出納之際或習為寬縱而失於考察雜 ヨララ 利哉而臣猶有不能已者竊恐賜予之間或過為豐厚 上而左右近習與夫貴戚之家第宅池館館極華 既已不聽又從而罷之此豈以外 Ū Ž 巷 'n + 物為樂哉比以式

隕無二尤見於艱難之時陛下試以東晉觀之方晉之 當不以民心為安危惟我祖宗覆育天下斯民愛戴有 次及外廷如此則聖徳日新人心說服而實惠及乎天 澤者益有之矣願陛下推其所為損之又損始自宫掖 下矣先王所不可儉者祭祀也至於當損之時則二簋 忍人之心必有不忍人之政有仁心仁聞而民不被其 可用享沉於匪頒好用之類乎且臣聞之有國家者未 田園郑舍連至阡陌此固不能使人之無疑也夫有不

Calond Airio

歷代名 臣奏號

示

寬而變故內起岌岌乎無終日之安所患者王敦也 國於江左中原分裂夷狄自相攻擊故邊境僅得以 無響應之助殭悍之将不能以使其下之為非暴虐之 徐道覆相繼擾亂盖其基本尚淺人心易揺故姦邪 以肆行而無所畏也自建炎以來金人之徇甚於東晉 王恭商仲堪稱兵內向所患者孫恩也恩既死而盧循 而戶口錐或流離而無首畔之志盗賊錐或竊發而 死而蘇峻祖約連衛犯順所患者桓温也温既死

多分

四四左章

愁儿

大己司臣/計 使财用充足然後賦斂之不得已者可以次第蠲除庶 今民力之已竭而求所以振救之惟有節省無益之費 者臣已具陳於前矣願陛下思民心所係之甚重関方 决水灌之沈竈產。民無叛志凡今日之所以取諸 障乎簡子曰保障哉尹鐸損其戶數既而智伯攻晉陽 下仁心之所感動相與扶持扞敵以至今日豈曰小 之哉趙簡子使尹鐸為晉陽請曰以為繭絲乎以為 不能以禁其民之向化此皆祖宗德澤之所固結陛 歷代名 臣奏議 三十七 保

也至和中朝廷招募新兵諫官范鎮以為財 恃操失其柄者将雖材不為用兵不足恃與無兵 復撓其源也兵不在衆在練之與将何如耳方儂 臣請言足兵之就昔陸贄有言克敵之要在乎将得 ·疲瘵之民得以蘇息則其為國家之保鄣者豈有 不為用與無将同固不在益兵以生事加賦以於 人取将之方在乎操得其柄将非其人者兵雖眾 敝而又欲募兵是何異欲救火而益以新流之 用不足 同

鱼为口屋台量

高寇嶺南之後遣将不知幾輩遣兵不知幾萬死亡奔 次全四草全書 一人 事又侵奪其所當得之食行路之人皆知其不可用 為商買或抑之以為僕廝之役既虐使之以不當為之 爵厚禄極其富貴安享優供養成驕惰無復激昂奮厲 北不可勝紀然狄青所以取勝者番落數百騎爾此兵 之志兵籍雖多初不閱習或拘之以為工匠或歐之以 之病自講和以來諸將坐擁重兵初無尺寸之功而高 不在衆近事之效也臣以為陸贄范鎮之說切中今日 歷代名臣奏誠 手二

賞之乎故其免於罪而蒙賞者不知愧 惑羣聽危急之際被古應援乃或游辭說計顧望不 釣是罪也而罰有輕重人猶不能無詞況於或罰之或 陛下雖當取其不用命者治之終未足以震服中 資其刻剥之計至於怨讟並與無以自解乃復奏功 地蹂踐幾遍方且恬不忌憚恣為誕謾列上戰功 而敵騎奄至魯不一 可欺偃蹇傲睨日以滋甚陛下捐金帛以賜士卒 戰望風道逃決辰之間而兩 作而反謂 朝

卷九十

第賞超越資級動以數萬唐李愬平淮西奏請将佐以 今日之事無乃太甚乎方無事時朝廷有所使令率以 過多使如李晟渾城又何如哉遂留中不下以此校之 下官凡百五十員憲宗謂裴度曰想誠有奇功然奏請 不知一旦有急能惟命是聽以循國家之難乎四方之 詔青行下或陰為遷延或公肆欺玩或直抗執而不行 人何所觀望三軍之士何所勸沮雖有貌虎百萬将誰

次自日草白島

用之故臣之所憂不在乎兵之不足而在乎軍政之不

股代名 巨泰 哉

圭

由此觀之亮非徒不肯益兵也又欲減省之益勝敗在 益矣諸葛亮出師無功或勸以益兵者亮曰大軍在祁 脩也且今中外之兵其老弱強壮不可得而分也其逃 将來若不能然者雖兵多何益自令以後有忠慮於國 也在一人耳今欲減兵省将明罰思過校變通之道於 山箕谷皆多於賊而反為賊所破者則此病不在兵少 匿死亡不可得而見也然則雖欲益兵亦不知其所 但勤攻吾之關則事可定賊可死功可臨足而待矣

U

压白雪

當一者此顧用之何如耳竊聞朝廷方簡閱州縣之兵 令必行等級必嚴技藝必精心志必一周旋進退将無 多寡人材之高下皆可以按見其實謹其訓練之法號 惡所在使人皆洗心易慮以聽陛下所為然後兵籍之 察以前日之失為在已奮發英斷力行大公至正之道 将不在兵兵多而冗不若少而精也臣碩陛下内自省 而不牽於異說之私賞善罰惡無偏無黨示天下以好 不可者矣昔人論兵盖有一可以當十者亦有十不

文三 马声在自

歷代名臣奏誌

10

帝罷州縣兵山海陶璜皆以為不可及永寧以後盜賊 所 發之費室家有離散之怨既至軍中大率奴房使之 金云 取 不籍以為戰闘之用也大敵在前何常得一夫之力且 其半以待不虞之備此誠有不得已者去冬固當 盗贼之作常生於細 謂 郡弓弩手什之七矣彊之使行驚擾狼顧州郡有 而追胥討捕防護鄉井益所以銷患於未前也晉武 巴尼人門 正兵者技止於此況其下者乎而又有甚不便者 微 れ 州縣之兵雖不可施之於大

次日の早日町 則拘之以縣縣之巡捕者則執後於州州之守衛者則 此非有神奇巧妙也亦曰順之而已令民之在田里者 之難故聖王之政山者不使居川而渚者不使居中原 姦無所不至或差或否均被其擾夫天下之事順人情 手者州郡無備則或發諸縣尉司弓手以守衛城郭縣 而行之則如水之就下拂人情而行之則有挟山超海 羣起州郡不能制此往事之鑒也去冬既 取所謂弓弩 又無備則或押差編户以代弓手之之貪猾之夤緣為 歷代名臣奏議 里

熟慮於不得已之中有所裁酌使州縣不至於無備 選 分隷於諸軍豈所以為順哉議者患州縣之空虚也 阶 報仇然有甚於盜賊者朝廷知其不便尋即寢罷 得其道理者皆起於州 其強壯就各州 財 各置四隅之官而以其土人為之強宗富室 力以武衛於鄉曲今又假以尺寸之柄公行頭 とく 開 闔 動揺至于數 教 関則固未必 郡之無兵也令者詔旨止 四公私煩費縣然不寧 調發也惟陛下精 平 而 ė 令 思 盖 田

金以

口人人

叁九

+.

心塞 臨 皆得自盡以奉其上則天下無不可為之事矣詩曰東 本以力行為要不尚虚文專取實效用其人必責以功 聽其言必驗以事使欺偽者有所不敢為而忠臣義士 之際其能積微而致著草弊而為治者要必以至誠 為憂凡在臣子孰不皇恐臣竊以為自古人君當艱難 こりら こすう 政碩治于兹有年國宜益富兵宜益強而顧以不 不至於重擾則州縣安寧而朝廷安矣臣仰惟陛 淵縣北三千又曰思無邪思馬斯祖夫馬之蕃息 壁代名臣奏談 7

錢祖宗時歲不下百萬稱比來止以四十萬為額又盡 ဤ 必减裂又安能還至而有效乎今日之事持在陛下加 何預於人君之心思益物無小大尚非以誠心持之則 之意而已臣竊觀今之風俗大率以敗因為尚變路師 収天下之銅有司以為可鑄三十萬則是七十萬也去 白調 行之事其施於外也必苟簡所用之人其應於上 納僅及五萬而乃以六萬為羨餘而獻夫以叛罔 訓練精兵二萬及監司核實初無一卒東南鑄

金克

四百百十

十 一

を己の事を書 直秘閣喻汝礪上裕蜀策曰論天下形勢必資之泰論 周乎此風不草則天下之事所以仰勞聖慮者何時而 致諸侯宗祧徼上帝之福錫之天下綏靖河洛澄 據五路之強而中與之大勢定矣仰惟陛下至明旁燭 秦雅軍須必資之蜀秦與蜀壤界之國也擁四川之饒 已耶臣不勝惓惓獻其愚忠惟陛下裁赦幸甚 而用之以晦大德丕冒而用之以恭於是結二國之信 如此既不以為罪又或從而賞之人亦何憚而不為欺 歷代名臣奏議 里

輸 兵歲月淹久一 渭天下胃腹也今已據其胃腹則號令之施足以掩 金に 之勞乃諂樞臣徙兵關右全蜀父兄亟蒙福祉自 下側但晨與念慮遠方既蜀漢宿兵之久憐 下矣光復大業紹開中興千載一時也臣竊謂蜀宿重 水濁 少燕 西海羽毛燼於器甲而蜀人之力日以舜矣仰賴陛 であんごう 則魚困官冗則民亂事要則易從法簡則易行 日之間矣然臣竊念之其弊猶在者官冗是 一歲供億無慮千萬緣玉壘豐腴燥於轉 'n + 岷峨飛餉 謂 可

設定四軍全書 崇侈乎饋問公私焦然物力耗竭国簏空寡老弱罷病 官於是有州縣酒官及惟撥運米官之流煩擾乎供須 益白軍與以來於是有制置司之官於是有都漕司之 遮蜀中與之業永為萬世無疆之休 息肩之日如是則蜀日以肥可以餡秦春日以勁可以 且蜀之力何以国兵盡之也非特兵靈之冗官病之也 極省官併局則益利罕不急之負薄賦緩征則潼變有 而蜀之人益以齊矣伏願陛下伸之以訓解裁之以紀 歷代名臣奏議 野四

廣東界具會西瀕巴蜀諸葛孔明以為用武之國者是 然守南郡而魯肅山寧之徒亦復經營於資水益陽之 敝故耶又使歩騰守西陵程普守江夏吕蒙守陸口朱 汝礪又上恢復策曰當考荆楚之區北臨漢沔南薄夏 間是數公者皆天下魁桀奇偉豪爽萬人之英而權悉 也外帶江漢內據嚴阻魯肅以為金城之固者是也孫 以其地形得上流之勢依荆州之險足以為國之隱 都武昌黄龍之元徒都建業以陸遜輔其子鎮馬豈

r. J 自河而南悉主悉臣光復售業系除我宋世之議者棘 也仰惟陛下受命中與恢復疆宇大縣數百名都十 有異故哉誠以楚關為城長江為池而得上流之便故 劉備於西陵職曹公於赤壁破壞推辱退步千里夫豈 勢可全又據楚關則南夏之勢彌廣夫孫權雖威行江 付之以上流之任其意益以為先據夏口則上流之形 東據有八州騁枝賈力不足以駕二方之雄而劉備曹 公天下強對也陸遜非劉備對周瑜非曹公對卒能窘

淡足四草全彗

歷代名臣奏議

呈

鮮 官已而徜徉四顧迥眺千里戰蹄鳥足寂無人聲正念 夔峽泛荆渚浮夏口倚泊九原 虚阜督草郡守例 無田 愚則 戈兵斬 欲蹠孔明跨有荆益之言誦杜甫江陵望幸之句以 耗而無窮竭諸鄢郢則鄢郢養求之未給伏願陛 何由積将何以奉萬乗供百官哉取諸岷益則岷 原父老虚心注目願望陛下朝服濟江駐蹕諸宫臣 謂其說是矣而時則未可也臣自岷江拏小舟漾 刈歲月污久穑人 人彫傷牛畜肆玩則地何由 闢 益 謂

むれ

監察御史劉行簡論人主不憚改為疏曰臣竊觀自古 置庶許洛昌大然後復皇與於舊京旋古縣於大邑可 一 臨三楚清跸而朝諸侯可也更復俟之歷歲滋久河潼 少復俟之加以數年地益增治粮益得藏然後振肺 2.17:11 2.11 無他馬機變敏速不憚改為而已臣請以漢高帝之事 也臣書生為弱階論國事軽觸宸嚴惟陛下赦其愚尚 人主處非常之時建非常之業謀無遺策事靡不濟者 一計之 歷弋台至奏義 5

長謀不能 皆家也 **一里軍旅海興國用耗竭可謂處非常之時矣陛下所與** 時建非常之業不得不如此也方今盗據中原四郊 既定矣聞基敬之說即 之間張良之就旋悟其非亟命銷印 言之始高帝聽腳生撓楚之計封六國後且将刻印 裕民之事可謂建非常之業矣然而機事之來間不容 臣早夜圖回者無非安朝廷定社稷 知其疎則改之舉不能皆當也 日徒 都何其易改耶處非常 群臣勸 **舜難銷兵足** 都 維陽議 國 付

郵定四庫全書

整た1十二

則 非 シューリー こここ 臣論議於前陛下固當審思然知其可用則敏而行之 謂承中否之運不啻創業之難自非陛下既知其難 則改之機變敏速正在此耳臣伏觀陛下近降記旨 錐平居間暇且猶不可況今日之事哉伏惟留神 改作如是乃可以濟功如其循習拘摩若可若否 則當以前古創業之君如漢高帝者為法凡群 思慮至到惡能知其難若此哉臣謂陛下既 とりらせきん

歷代名臣奏議卷九十一		 		
予	歷代名臣奏議卷九			
	ナー			卷九十一